

卷之三

卷之三

卷之三

卷之三

2

2


卷之三


卷之三


1

This block contains two images: a decorative scroll-shaped element at the top and a small metal fastener or clip at the bottom.

42574







CONFIDENTIAL
TOP SECRET


ex libro suo monachorum
canonum TRIBUS
SANCTO DOMINI
ECCLESIA



42524

OFFICIA PROPRIA SANCTORUM ECCLESIAE ET DIŒCESIS RIVENSI;

*Illusterrimi ac Reverendissimi Domini
Dom. JOANNIS-MARIAE DE CATELLAN
Episcopi Rivensis curis, ordinata at-
que edita.*



T O L O S Æ ,

Apud Viduam BERNARDI PIJON, Regis
Cleri & Dom. Rivensis Episc. Typographi.

M. DCC. LXIV.

OFFICIA
PROPRIA
SANCTORUM
ECCLESIE ET DILECTIS
RIVENSIIS

Misericordie ac Recuperationis Domini
Dom. Iohann. Maria de Catellani
Episcopi Rivenensis originis ac
dus. editio



TOLOSÆ

Abbatum Barnabae Piloni Recens
Chisi & Dom. Rivenensis Episc. Thobaldip.

M DCC. LXIX.



OFFICIA PROPRIA
SANCTORUM
ECCLESIAE ET DIOCESIS
RIVENSIS.

DIE XIX. JUNII.

Festum Translat. Reliquiarum Sancti Cizii Martyris, duplex primæ classis, cum octavâ in Civitate Rivense tantum.

IN PRIMIS VESPERIS.

Antiphonæ dicuntur ut infra in Laudibus. Psalmi Dominicæ, loco ultimi dicitur Psal. Laudate Dominum omnes gentes.

Capitulum... I. Cor. 15. v. 42.

Fratres: Seminatur in corruptione, surget in incorruptione. Seminatur in ignobilitate, surget in gloriâ. Semi-

A

natur in infirmitate , surget in virtute.
Seminatur corpus animale , surget cor-
pus spiritale.

O *Hymnus.*
Vos unanimes Christiadum Chori ,
Sanctorum tumulos & cineres Patrum ,
Dulces exuvias , pignora cœlitum
Lætis dicite cantibus.

Cœlo quando piis æqua laboribus ,
Felices animæ gaudia possident ,
Pœnarum sociis debita redditur
- Hic laus & decus ossibus.

Passim sparsa Deus polliciti memor ,
Custos ne pereant pignora colligit ,
Electosque suis providus aggerit ,
Aptandos lapides locis.

Quin & Reliquias & Tumulos , sibi
Aras ipse Deus consecrat hostia ;
Conjungensque suis se caput artibus
Hos secum simul immolat.

O cuius cineres supplicibus pia ,
Tutum præsidium plebs colit osculis ,
Si te nostra movent , subsidium tuis
Cizi præbe clientibus.

Ut cum nostra novis splendida dotibus
Surget juncta choris spirituum caro :
Indivisa trias sit Deus omnia ,
Nobis semper in omnibus.

V. Dabo vobis Spiritum & vivetis.

R. Et scietis quia ego Dominus.

Ad Magnificat.

Antiph. In mortem tradimur propter Jesum , scientes quoniam qui suscitavit Jesum , & nos cum Iesu suscitabit.

Oratio.

O Mnipotens sempiterne Deus , qui ad immortales triumphos Martyrem tunum Cizium extulisti : da cordibus nostris dignam pro ejus translatione lætitiam , ut cuius Reliquias pio amore amplectimur , ejus precibus adjuvemur. Per Dominum.

AD MATUTINUM.

Invitat. Dominum qui mortificat & vivificat : * Venite adoremus.

Psalm. Venite exultemus.

Hymn. ut in 1. *Vesp.*

In 1. Nocturno.

Ant. Justi quasi virens folium germinabunt , & radix eorum non commovebitur.

Psalm. Beatus vir qui non abiit , *ut in Comm. unius Mart.*

Ant. Desiderium suum Justis dabitur : expectatio Justorum lætitia.

Psalm. Quare fremuerunt gentes.

Ant. Cum Christus apparuerit vita
vestra , tunc & vos apparebitis cum ipso
in gloriâ.

Psalm. Domine, quid multiplicati sunt.

V. Lætamini in Domino & exultate
Justi.

R. Et gloriamini omnes recti corde.

Lectio I.

De Epistolâ primâ Beati Pauli Apostoli
ad Corinthios. *Cap. 15.*

Sicut in Adam omnes moriuntur , ita
& in Christo omnes vivificabuntur ,
unusquisque autem in suo ordine , pri-
mitiæ Christus , deinde ii qui sunt Christi
qui in adventu ejus crediderunt , deinde
finis , cum tradiderit regnum Deo &
Patri , cum evacuerit omnem principa-
tum & potestatem & virtutem. Oportet
autem illum regnare , donec ponat om-
nes inimicos suos sub pedibus ejus. No-
vissima autem inimica destruetur mors ,
omnia enim subjecit sub pedibus ejus.
Cum autem dicat : omnia subiecta sunt
ei , sine dubio præter eum qui subjecit
ei omnia. **C**um autem subiecta fuerint
illi omnia , tunc & ipse filius subiectus
erit ei qui subjecit sibi omnia , ut sit Deus
omnia in omnibus.

R. Videbitis & gaudebit cor vestrum ,
 & ossa vestra quasi herba germinabunt :
 * Et cognoscetur manus Domini servis
 ejus.

X. Cum evanescaverit Christus omnem
 principatum & potestatem , novissima
 inimica destruetur mors : * Et cognos-
 cetur.

Lectio II.

Sed dicet aliquis : quomodo resur-
 gunt mortui ? Quali ve corpore ve-
 nient ? Insipiens tu quod seminas non
 vivificatur , nisi prius moriatur . Et quod
 seminas non corpus quod futurum est
 seminas , sed nudum granum , ut putat
 tritici , aut alicujus cæterorum . Deus au-
 tem dat illi corpus sicut vult : & uni-
 cuique seminum proprium corpus . Non
 omnis caro eadem caro , sed alia quidem
 hominum , alia verò pecorum , alia vo-
 lucrum , alia autem piscium . Et corpora
 cœlestia , & corpora terrestria : sed alia
 quidem cœlestium gloria , alia autem
 terrestrium . Alia claritas solis , alia cla-
 ritas lunæ , & alia claritas stellarum ; stel-
 la enim à stellâ differt in claritate . Sic &
 resurrectio mortuorum .

R. Ecce ego aperiam tumulos vestros
& educam vos de sepulcris vestris: * Et
scietis quia ego Dominus.

X. Offa arida intromittam in vos spi-
ritum & vivetis. * Et scietis.

Lectio III.

Seminatur in corruptione, surget in
in corruptione: seminatur in ignobi-
litate, surget in gloriâ: seminatur in in-
firmitate, surget in virtute: seminatur
corpus animale, surget corpus spiritale.
Si est corpus animale, est & spiritale,
sicut scriptum est: factus est primus ho-
mo Adam in animam viventem, novis-
fimus Adam in spiritum vivificantem.
Sed non priùs quod spiritale est, sed
quod animale, deindè quod spiritale.
Primus homo de terrâ terrenus, secun-
dus homo de cœlo cœlestis, qualis ter-
renus, tales & terreni; & qualis cœlestis,
tales & cœlestes. Igitur sicut portavimus
imaginem terreni, portemus & imaginem
cœlestis.

R. Expergiscimini & laudate qui ha-
bitatis in pulvere. * Ecce enim revelabit
terra sanguinem suum, & non operiet
ultrâ imperfectos suos.

X. Vivent mortui Domine, inter-

fecti resurgent. * Ecce enim. Gloria. *

Ecce.

In II. Nocturno.

Ant. Qui suscitavit Jesum-Christum
à mortuis , vivificalit & mortalia corpora
vestra , propter inhabitantem spiritum
ejus in vobis.

Psalm. Cum invocarem.

Ant. Corpora vestra membra sunt
Christi : membra vestra templa sunt Spi-
ritus-Sancti.

Psalm. Verba mea auribus percipe.

Ant. Nos primitias spiritus habentes ,
expectamus redemptionem corporis nos-
tri.

Psalm. Domine Dominus noster.

X. Exultent Justi in conspectu Dei.

R. Et delectentur in lætitia.

Lectio IV.

Ex monumentis Ecclesiæ Rivensis.

Sacrae gloriose Martyris Cizii Reli-
quia quæ eo in loco ubi pro Christi
nomine mortem oppetierat, tumulo mar-
moreo fuerant conditæ , adeo labentibus
annis celebres evaserunt ob insignia &
frequentia quæ Deus per eas operabatur
miracula , ut Sedis Tolosanæ Antistites
post exactum & diligens examen , tam

præclarum Martyrem in numerum Ec-
 clesiæ suæ Sanctorum retulerint, ac ca-
 talogo Martyrum adscripserint, proprio
 officio in ipsius natali die attributo. Post-
 modum verò erecto Episcopatu Rivenſi,
 & ex distractâ à Diœcesi Tolosanâ parte,
 novâ Constitutâ Diœcesi, intrâ cuius
 fines exstat locus ubi Sancti Martyris
 quiescebat corpus: Joannes de Lantario
 Rivenſis Episcopus Ecclesiam & Civita-
 tem Rivorum hoc sacratissimo pignore
 decorare, & tanto præsidio munire de-
 crevit. Quare contentiente venerabili
 Capitulo, & annuentibus omnium Ci-
 vium votis, Sanctum Martyris Corpus
 à loco in quo tumulatum fuerat, & qui
 etiam nunc nomen Sancti Cizii servat,
 in Ecclesiam Cathedram solemni pom-
 pâ, & assistente ingenti populorum è
 vicino multitudine, translatum est anno
 ab Incarnatione Domini millesimo tre-
 centesimo octogesimo quarto, decimo
 tertio Kalendas Julii, Carolo sexto Fran-
 corum Rege. Vertente autem anno mil-
 lesimo sexcentesimo septuagesimo se-
 cundo, præfule Antonio - Francisco
 Berterio, sacra Beati Martyris ossa, ex
 veteri arcâ, partim in argenteam sta-

tuam pectore tenus supernè efformatam,
 & partim in capsam ligneam eleganter
 ornatam translata sunt decimo octavo
 Kalendas Septembbris, & in medio Altar
 ris Capellæ in honorem tanti Marty
 ris mirâ arte constructæ honorificè col
 locata.

R. Rex mundi vitæ & mortis habens
 potestatem : * Defunctos pro suis legi
 bus in æternæ vitæ resurrectione susci
 tabit.

V. Dominus mortificat & vivificat,
 deducit ad inferos & reducit. * Defunc
 tos.

Lectio V.

Sermo Sancti Joannis Chrysostomi.

Hom. 26. in II. Cor. cap. 13.

SEpulca eorum qui Crucifixo servie
 runt regias aulas splendore vincunt,
 non tam magnitudinis aut pulchritudinis
 ædificiorum ratione, nam hæc etiam par
 te superant, quam quod multò majus
 est, coeuntium studio atque alacritate.
 Nam ille qui purpuram gestat ad sepul
 cra illa se confert ut ea exosculetur, ab
 jectoque fastu supplex stat, Sanctosque
 obsecrat ut ipsi apud Deum sibi præsidio
 sint; atque ut tentiorum opificem, &

piscatorem, & quidem fato functos, patronos habeat, precibus is contendit qui diademate cinctus est. Quod si cum imperatoriis aulis hæc sepulcra conferre libeat, penè hæc rursùs victoria futura est. Illic enim multi sunt qui turbam submoveant, hîc contrâ multi qui invitent, atque divites & pauperes, viros & fœminas, heros & servos attrahant. Illic ingens terror, hîc lætitia quæ nullis verbis explicari queat. At dulce spectaculum est Imperatorem auro amictum & coronâ redimitum videre, astantesque bellicos Duces, Præfectos, Tribunos, Centuriones, Prætores. Verum hæc adeo illis augustiora magisque tremenda sunt, ut præ istis illa scena quædam ac merus ludus censeri possint. Simul enim atque limina transfilieris, locus ipse mentem ad Cœlum, ad supernum Regem, ad Angelorum exercitum, ad sublimem illum Thronum, ad inaccessam gloriam transmittit.

R. Cum à mortuis resurrexerint: * Erunt sicut Angeli Dei in Cœlo.

X. Pretiosa in conspectu Domini mors Sanctorum ejus. * Erunt.

ATque h̄ic quidem Imperator subditos suos præfecto ita subjicit, ut ei liberum sit alios solvere, alios vinculis astringere : at Sanctorum ossa non miseram hanc abjectamque potestatem habent, verū illā multò majorem. Dæmones enim sustinunt & excruciant, acerbissimisque illis vinculis eos qui astricti sunt solvunt. Quid hoc tribunal terribilis fingi potest ? Cum nemo cernatur, nemo dæmonis lateri incumbat, voces & dilacerationes, verbera & cruciatus, linguæ conflagrantes audiuntur, dæmonne videlicet eximiam illam & admirabilem potentiam minimè ferente. Atque isti qui corpora gestarunt virtutes illas corpore vacantes superant, pulvisque & ossa & cinis naturas ab oculorum aspectu remotas excarnificant, ob eamque causam nemo est qui peregrinationem umquam inire sustineat ut Imperatorum aulas videat : contrà multi plerūque Imperatores peregrè profecti sunt ut hoc spectaculo fruerentur : siquidem Sanctorum Martyrum templa futuri iudicii vestigia & signa exhibent, dum nimirū dæmones flagris cæduntur, hominesque

torquentur ac liberantur. Vides quæ sit vis Sanctorum etiam vitâ funerorum.

R. Mundi creator qui formavit hominis nativitatem : * Spiritum vobis iterum reddet & vitam.

X. Nunc vosmetipos despicitis propter leges ejus. * Spiritum. Gloria. * Spiritum.

In III. Nocturno.

Ant. Inebriabuntur ab ubertate domîs tuæ , & torrente voluptatis tuæ potabis eos.

Psalm. In Domino confido.

Ant. Cor nostrum & caro nostra exultaverunt in Deum vivum.

Psalm. Domine quis habitabit.

Ant. Sanctorum velut aquilæ juvenis renovabitur , florebunt sicut lilyum in civitate Domini.

Psalm. Domine in virtute tuâ.

X. Psallite Domino Sancti ejus.

R. Et confitemini memoriæ sanctitatis ejus. *Lectio VII.*

Lectio S. Evangelii secundum Lucam.

Cap. 20. v. 27.

IN illo tempore , accesserunt quidam Sadducœorum qui negant esse Resurrectionem. Et reliqua.

Homilia

(13)

Homilia Sancti Augustini Episcopi.
Serm. 277. nov. edit.

PRÆSTITIT Deus Sanctorum corpora Ecclesiis suis ad memorias orationum , non ad glorias Martyrum : illi enim habent integrum gloriam suam apud Creatorem suum , nec ipsi corpori aliquid timent , quoniam non est quod timeant. Magis si parcant corpori nocent & corpori : si autem per fidem non parcant corpori , præstant & corpori. Ecce hoc attendite , & fidem vestram interrogate ; Sanctus quem colimus si formidine tormentorum negaret Christum , videretur corpori pepercisse ; quâdam autem mortali conditione , corpore solveretur : Quid ageret in resurrectione cum in æternum ignem præcipitaretur ? Negans Christum negatur à Christo. Qui me negaverit , inquit , coram hominibus , negabo eum coram Patre meo qui est in Cœlis.

R. Dictum est illis ut requiescerent adhuc tempus modicum : * Donec compleantur conservi eorum.

X. Datæ sunt illis singulæ stolæ albæ
* Donec.

Ecce negaret, quiescerent illi tortores & vulnerato animo sanum esset corpus, imò occiso animo viveret corpus. Quid prodesset in æternum mortuo brevis corporis vita? Veniret dies quam commemorat Dominus, quando omnes qui in monumentis sunt audient vocem ejus & procedent, sed cum magnâ differentiâ omnes procedent, sed non omnes ad eamdem rem procedent. Omnes surrecturi, sed non omnes immutandi. Qui enim benè fecerunt, inquit, in resurrectionem vitæ. Qui autem malè, in resurrectionem judicii. Cum dicit omnes qui in monumentis sunt procul dubio manifestat corporum resurrectionem. Et ibunt justi in vitam æternam, impii verò in ignem æternum. Ibi cum corpore torquebuntur qui corpori pepercerunt. Timendo enim tormenta corporis, corpori pepercerunt, & parcendo corpori Christum negaverunt, & negando Christum pœnas æternas etiam corpori distulerunt. Si distulerunt numquid abstulerunt?

R. Deus non est mortuorum, sed viventium, omnes enim vivunt ei: * Qui vivificat mortuos.

V. Deus Dominum fuscitavit & nos
fuscitabit per virtutem suam. * Qui vi-
vificat. Gloria. * Qui.

Lectio IX.

Ergo prudenter Martyres Christi non sua corpora contempserunt. Perversa est ista & mundana philosophia eorum qui non credunt resurrectionem: videntur enim sibi quasi magni corporis contemptores, quia, ipsa corpora, quasi pro carceribus se habere arbitrantur, quod detrusas putant animas, quod alibi autem peccaverunt. Deus autem noster & corpus fecit & spiritum, & utriusque creator est & utriusque recreator, utriusque institutor, utriusque etiam restitutor. Non ergo carnem tamquam inimicam vel contempserunt, vel persecuti sunt Martyres, nemo enim umquam carnem suam odio habuit. Magis ei consuluerunt quando eam negligere videbantur: quando in ea fideliter persistentes temporalia tormenta tolerabant, æternam etiam ipsi carni gloriam comparabant.

Te Deum laudamus.

A D L A U D E S.

Ant. Corpora Sanctorum in pace se-
B ij

pulta sunt, & nomen eorum vivit in generationem & generationem.

Psalmi de Dominicâ.

Ant. Memoria illorum in benedictione erit, & ossa eorum pullulabunt de loco suo.

Ant. Justi in perpetuum vivent, & apud Dominum est merces eorum.

Ant. Liberabuntur à servitute corruptionis in libertatem gloriæ filiorum Dei.

Ant. Si mortui sumus cum Christo, simul etiam vivemus cum illo.

Capitulum.

Fratres : seminatur in corruptione, surget in incorruptione. Seminatur in ignobilitate, surget in gloriam. Seminatur in infirmitate, surget in virtute. Seminatur corpus animale, surget corpus spiritale.

Hymnus.

Adesto Cizi cœlitus
Libensque sacra dum piis
Colentur ossa ritibus
Attende vota supplicum.

Non illa quamquam tristibus
Imum redacta in pulverem
Dudum sepulcris squalent
Divina virtus deserit.

Sed sancta præsentì sovet,
Impletque templa numine,
Et jam futuræ spiritus
Post sæcla servat gloriæ.

Hinc ille qui nostris latet

Cinis sub aris conditus

Ægris medetur efficax

Torquet fugatque dæmones.

Sit summa Christe laus tibi

Venture Iudeo sæculi

Cum Patre & Sancto Spiritu

In sæculorum secula. Amen.

X. Auditui meo dabis gaudium & lætitiam.

B. Et exultabunt ossa humiliata.

Ad Benedictus.

Ant. Si complantati facti sumus similitudini mortis ejus, simul & resurrectionis erimus.

Oratio.

O Mnipotens sempiterne Deus, qui ad immortales triumphos Martyrem tuum Cizium extulisti: da cordibus nostris dignam pro ejus translatione lætitiam, ut cuius Reliquias pio amore amplectimur, ejus precibus adjuvemur. Per Dominum.

A D P R I M A M.

Ant. Corpora. *Lectio brevis*, *infra Capitul.* Nonæ.

A D T E R T I A M.

Ant. Memoria. *Capitulum de Laudibus.*

R. br. Gloriâ & honore * Coronasti eum Domine. Gloriâ. Et constituisti eum super opera manuum tuarum. * Coronasti. Gloria Patri. Gloriâ & honore.

X. Posuisti Domine super caput ejus.

R. Coronam de lapide pretioso.

A D S E X T A M.

Ant. Justi in perpetuum.

Capitulum. . . I. Cor. 15. v. 54.

Cüm mortale hoc induerit immortalitatem, tunc fiet sermo qui scriptus est: absorpta est mors in victoriâ.

R. br. Posuisti Domine * Super caput ejus. Posuisti. Coronam de lapide pretioso. * Super. Gloria. Posuisti.

X. Magna est gloria ejus in salutari tuo.

R. Gloriam & magnum decorem impones super eum.

A D N O N A M.

Ant. Si mortui.

(19)

Capitulum. . . Phil. 3. v. 20.

Nostra conversatio in Cœlis est, undē etiam Salvatorem expectamus Dominum nostrum Jesum Christum, qui reformabit corpus humilitatis nostræ configuratum corpori claritatis suæ.

R. br. Magna est gloria ejus * In salutari tuo. Magna est. Gloriam & magnum decorem impones super eum. * In salutari. Gloria Patri. Magna est.

X. Omnia ossa mea dicent.

R. Domine quis similiſ tibi.

Missa propria.

IN II. VESPERS.

Ant. Capitul. ut in Laudibus. Hymn.

O vos, ut in I. Vesp. Psalmi de Domin. loco ultimi dicitur Psalm. Credidi propter quod.


X. Custodit Dominus omnia ossa eorum.

R. Unum ex his non conteretur.

Ad Magnificat.

Ant. Princeps fuit & rector fratrum, firmamentum gentis, stabilimentum populi : ossa ipsius visitata sunt, & post mortem prophetaverunt.

Oratio ut in Laudibus.



DIE XX. JUNII.

De Octavâ Sancti Cizii, semiduplex.

Officium per Octavam fit ut in die Translationis, exceptis iis quæ quâlibet die notantur propria.

In I. Nocturno.

Lectiones de scripturâ occurrente.

In II. Nocturno.

Lectio IV.

Sermo Sancti Ambrosii Episcopi.

Int. adscript. 55.

Tantis Christi testis pretiosus confessione, pretiosior sanguine, crudeli vulnere pretiosior & tinctâ veste candidior, licet peculiaris putetur privilegio sepulcri, omnium est suffragii communione. Non clauditur locis, quod diffunditur meritis. Invocasti ubique Martrem, ubique te exaudit ille qui honoratur in Martyre. Moderante itaque eo qui pensat vota tua & dispensat munera sua, in tantum vicina præsentia efficacis præbebitur advocati, in quantum fuerit fides devota suscepti: oratio enim quæ castitatis, justitiae, eleemosinarum

operibus adjuvatur , excedit mundum , penetrat paradisum , evolat usque ad ipsum summæ Majestatis , Angelo conserente , conspectum .

R. Rex mundi .

Lectio V.

QUÆ cum ita sint , honoremus Beatos Martyres , principes fidei , intercessores mundi , præcones regni , cohaeredes Dei . Quod si dicas mihi : quid honoras in carne jam resoluta atque consumpta de quâ jam nulla Deo cura est ? Et ubi est illud charissimi , quod ipsa veritas loquitur per Prophetam ? Pretiosa in conspectu Domini mors Sanctorum ejus : & iterum , mihi autem valde honorandi sunt amici tui Deus . Honorare debemus servos Dei , quanto magis amicos Dei , de quibus alio loco dicitur : Dominus custodit omnia ossa eorum , & unum ex his non conteretur .

R. Cum à mortuis .

Lectio VI.

Honorò ergò in carne Martyris exceptas pro Christi nomine cicatrices . Honoro viventis memoriam , perennitatem virtutis . Honoro per confessionem Domini sacratos cineres . Honoro

in cineribus semina æternitatis. Honoro corpus quod mihi Dominum meum ostendit diligere, quod me propter Dominum mortem docuit non timere. Cur autem non honorent corpus illud fideles, quod reverentur & dæmones? Quod & affixerunt in supplicio, sed glorificant in sepulcro. Honoro itaque corpus quod Christus honoravit in gladio, quod cum Christo regnabit in Cœlo.

R^g. Mundi creator.

In III. Nocturno.

Lectione sancti Evangelii secundum Matthæum. Cap. 10. v. 34.

IN illo tempore, dixit Jesus Discipulis suis: Nolite arbitrari quia pacem venerim mittere, non veni pacem mittere sed gladium. Et reliqua.

Homilia Sancti Hilarii Episcopi.

In comm. sup. Matth. c. 10. n. 22.

Quae est ista divisio! Inter prima enim legis præcepta accepimus: Honora patrem tuum & matrem tuam, & ipse Dominus ait: pacem meam do vobis, pacem meam relinquo vobis. Quid sibi vult missus potius gladius in terram, & separatus à patre filius, &

filia à matre , & nurus adversum socrum ,
 & hominis domestici ejus inimici ? Igitur
 exinde publica auctoritas impietati pro-
 feretur ? Ubique odia , ubique bella , &
 gladius Domini inter patrem & filium ,
 & inter filiam matremque desæviens .
 Ergò qui sit gladius in terrâ contuendum
 est . Gladius omnium telorum acutissimus
 est , in quo sit jus potestatis & judicii se-
 veritas , & animadversio peccatorum . Et
 hujus quidem teli nomine novi Evange-
 lii prædicationem appellatam frequens in
 Prophetis auctoritas est . Dei igitur ver-
 bum nuncupatum meminerimus in gla-
 dio , qui gladius missus in terram est , id
 est prædicatio ejus hominum corporibus
 infusa .

R. Dictum est illis .


Lectio VIII.

Fit gravis in unâ domo dissensio , &
 domestica novo homini erunt inimi-
 ca , quia ille per verbum Dei divisus ab
 illis , manere & interior & exterior , id
 est corpus & anima , in spiritu novitate
 gaudebit . Pergit deinde eodem præcep-
 torum & intelligentiæ decursu : nam
 posteaquam relinquenda omnia quæ in
 sæculo charissima sunt imperaverat ad-

jecit : qui non accipit crucem suam & sequitur me non est me dignus ; quia qui Christi sunt crucifixerunt corpus cum vitiis & concupiscentiâ. Et indignus Christo qui non crucem suam in quâ compatimur , commorimur , consepelimur , conrefurgimus accipiens Dominum sit secutus , in hoc Sacramento fidei spiritûs novitate victurus.

R. Deus non est mortuorum.

Lectione IX. de S. Silverio Papa & Mart.
ut in Breviario , è duabus fiat una ;
commem. ejusdem S. in Laud.



DIE XXI. JUNII.

De Octavâ Sancti Cizii , semiduplex.

In I. Nocturno.

Lectiones de scripturâ occurrente.

In II. Nocturno.

Lectione IV.

Sermo Sancti Bernardi Abbatis.

De S. Clem. P. & M.

PRetiosa in conspectu Domini mors Sanctorum ejus. Audiat peccator & irascatur , dentibus suis fremat & tabescat. Deprehensus est in astutiâ suâ , cecidit

cidit in foveam quam fecit , in laqueum
incidit quem tetendit. Invidiâ siquidem
diaboli mors intravit in orbem terra-
rum ; sed ecce pretiosa facta est mors
Sanctorum : neque enim aliter quam
ipsâ , hodiè Beatus Martyr cuius solem-
nia celebramus , morte corporis trium-
phavit. Fecit siquidem de necessitate vir-
tutem , pœnam peccati in meritum glo-
riæ commutavit. Fidelem se probavit in
modico , ut dignus inveniretur suprà
multa constitui. Modicum namque erat
& omnino modicum quidquid prius ac-
ceperat , quantum ad eam gloriam quam
præsenti promeruit passione.

R. Rex mundi.

Lectio V.

Fidelem se probavit ei qui dederat ,
cum pro ejus amore universa con-
tempsit , omnia detrimentum faciens &
arbitratus ut stercore , ut lucrifaceret
Christum. Sed forte murmurat etiam
inimicus : pellem , inquiens , pro pelle
& omnia quæ habet homo dabit pro ani-
mâ suâ. Quid ergo putas quod in ipsâ
corporis sui vitâ quam accepit à Domi-
no , infidelis inveniatur , ut vel ipsam
præferat illi ? Ecce habes potestatem ,

irruere in illum per satellites tuos , ut coarctetur è duobus , aut à Domino necesse habens , aut à corpore separari . Varia & immania exquire genera tormentorum , sed neveris te Martyri nostro fabricare coronas ; sicut enim ipsa vitæ hujus ornamenta & adjumenta contempsit , sic contemnit & ipsam .

R. Cum à mortuis .

Lectio V I.

Coronabitur ergò quia legitimè certavit , quia fideliter vicit , quia nec blandimentis vitæ hujus , nec mortis horrore à charitate Christi potuit separari . Quid nos ad hæc dicemus ? Congratulamur Martyri , sed jam gloria ejus non sine nostrâ confusione est . Ecce enim Sanctus iste Martyr similis erat nobis , homo passibilis , eādem circumdatus infirmitate , & carni suæ eodem vinculo naturalis affectionis inhærens . Si ergò ille glorificavit Christum in corpore suo , & calicem salutaris accepit ; quid nos retribuimus Domino pro omnibus quæ retribuit nobis ?

R. Mundi creator .

(27)
In III. Nocturno.
Lectio VII.

Lectio sancti Evangelii secundum
Matthæum.

IN illo tempore , dixit Jesus Discipulis suis : Nolite arbitrari quia pacem venerim mittere. Non veni pacem mittere , sed gladium. Et reliqua.

Homilia Sancti Ambrosii Episcopi.

Exp. in Luc. l. 7. n. 134.

CUm in omnibus ferè Evangelicis locis spiritualis intellectus operetur ; tamen in præsenti maximè ne quem dūritia nudæ expositionis offendat , spiritali altitudine sensus series temperanda est , præsertim cum sacrosancta religio moralibus disciplinis & mitibus pietatis exemplis etiam fidei exules ad reverentiam tamen sui clementer invitet , ut præviâ fidei disciplinâ , mansuetudine sui superstitionum dura dissolvat , & obnoxias erroribus mentes cogat etiam fide credere , quas potuit pietate mulcere : etenim cum fidei alta peccoribus non capiuntur infirmis , per ea quæ præcepta sunt ea quæ veneranda sunt æstimantur ; ut justa de justo , sancta de

Cij

fancto , bonum de honorum testentur
auctore.

R. Dictum est illis.

Lec̄tio VIII.

Ergò Dominum illum qui simul di-
vinitatis reverentiam & pietatis gra-
tiam suadere complexus est , dicens : Di-
liges Dominum Deum tuum , & diliges
proximum tuum , ità nunc mutatum esse
opinabimur , ut abolere necessitudinem
nomina , collidere pietatis affectus , cha-
rissimorum pignorum dissidia mandasse
credamus ? Et quomodò ipse est pax
nostra qui fecit utraque unum ? Quo-
modò ipse dicit pacem meam do vobis ,
pacem meam relinquo vobis , si parentes
à filiis , filios à parentibus dissidio nece-
situdinis separaturus advenit ? Quomodò
maledictus qui non honorat patrem , re-
ligiosus qui deserit ?

R. Deus non est mortuorum.

Lec̄tio IX.

Sed si advertamus quia prima causa
Religionis , secunda pietatis est , eno-
dem etiam hanc æstimabimus quæstio-
nem . Oportet enim ut divinis humana
posthabeas . Nam si officium parentibus
exhibendum est , quantò magis auctori

(29)

parentum , cui gratiam etiam pro parentibus tuis debes. Aut si illi omnino non recognoscunt parentem , quemadmodum tu recognoſcas ? Non igitur dicit renunciandum esse pignoribus , sed Deum omnibus præferendum. Non diligere parentes , sed eos Deo præferre prohiberis ; etenim naturæ pignora Domini beneficia sunt , nec quisquam debet plus amare beneficium quod accepit , quam Deum à quo beneficium servatur acceptum.

Te Deum.

In II. Vesp. commemoratio Sancti Paulini, Pont. & Conf. ut in Breviario.

DIE XXII. JUNII.

De Octavâ Sancti Cizii, semiduplex.

In I. Nocturno.

Lectiones de scripturâ occurrente.

In II. Nocturno.

Lectione IV.

De Sermone Sancti Bernardi Abbatis.

UT quid non possumus & nos cum Beato Martyre Christi bibere calicem ? Sed forte respondent aliqui : Pos-

C iij

semus si opportunitas non deesset , sed
persecutionis tempus cessavit. At ego fa-
teor non satis crediderim ista dicentibus :
quid enim quotidiè ceditis punctioni
acūs unius , & mucroni vos arbitramini
posse resistere ? In minimis probate con-
flictibus , quām viriliter in majori certa-
mine stare possitis. Ecce enim vobis non
dicitur : sacrificare idolis & vivite ; aut si
hoc non vultis , oportet vos diversis
suppliciis interire. Novit Dominus fig-
mentum nostrum , nec dat nobis tam
forte certamen.

R. Rex mundi.

Lectio V.

Martyri nostro certamen forte dedit
Dominus ut vinceret & disceret
quoniam omnium potentior est sapien-
tia : vestrum autem certamen quale est ?
Quotidiè vobis suggeritur in cordibus
vestris. Frange ordinem tuum , murmu-
ra , detrahe , age remissiùs , infirmitatem
simula , responde ei qui fortè duriùs tibi
locutus est , ut satisfacias desiderio tuo.
Nec dicitur cuiquam : nisi hæc feceris
morieris. Sed ut multùm , cum diffi-
cultate & labore resistes animo tuo , & quis
sustineret tanta. Hæc enim intùs audire ,

hæc respondere confuevimus exhortantibus nos , aut foris homini , aut intus Spiritui Sancto. **R.** Cum à mortuis

Lectio V I.

Si ergò in hujusmodi certamine pericitamur , si vix resistimus , si interdum etiam succumbimus . Quid in illo tam gravi certamine faceremus ? Si junctis fragilibus cedit infirmitas nostra , quomodo telis resisteret ? Videtis quomodo ad nihilum redacti sumus . Et sicut solent mulieres aut parvuli , pugnantes laudamus alios , pugnare ipsi non possumus . Quid tamen agimus ? Omnes certè ad nuptias agni vocati sumus , & in conpectu ejus vacuos apparere non licet : diligenter ergò consideremus quæ apponuntur nobis , quoniam talia oportet nos præparare . Consideravit Beatus Martyr , & ipse quoniam dives fuit ad nuptias illas vinum proprii sanguinis effusione portavit . **R.** Mundi creator .

*In III. Nocturno.**Lectio VI I.*

Lectio sancti Evangelii secundum Matthæum .

IN illo tempore , dixit Jesus Discipulis suis : Nolite arbitrari quia pacem

venerim mittere. Non veni pacem mittere , sed gladium. Et reliqua.

Homilia Sancti Joannis Chrysostomi.

In Cap. 10. Matth. Hom. 36.


Non veni pacem in terram mittere. Quomodo igitur ipsis præcipit , cum ad fuscipientium domos ingredierentur , pacem omnibus dicere ? Aut quomodo Angeli clamabant : gloria in excelsis Deo , & in terrâ pax ? Quomodo etiam omnes pacem Prophetæ tempore ipsius futuram prænuntiarunt ? Quia videlicet præcipua singularisque pax tunc præstatur , quandò quod tabo vel sanie corruptum est absconditur atque projicitur : quandò factiosa & improba pars repellitur aut omnino destruitur ; sic certè cœlis terra conjungi potest. Nam & medicus hoc modo reliquum corpus conservat facile , si quod reduci ad sanitatem non potest exciderit atque abjexit : & militiæ dux ad solvendam militum conspirationem , alterum in alterum concitat. Sic etiam Paulus eos qui adversus se conspirabant , dividebat atque dissipabat.

R. Dicatum est illis.

Nec enim semper concordia laudanda , cum etiam latrones magnâ inter se concordiâ conspirare sciamus. Non igitur ex proposito Christi , sed ex mente animoque hominum vitioso bellum erumpit. Nam ipse certè vellet ut omnes uno consensu veram pietatem amplecterentur ; verum quia resistunt atque reluctantur bellum prorumpit. Quod igitur ait non veni mittere pacem , ad illorum consolationem dicit : Nolite existimare harum rerum causam vos futuros : Ego sum qui quoniam homines ad vitia infidelitatemque proclives sunt , hæc præparo. Non ergo quasi præter expectationem vestram quidquam acciderit , turbatione aliquâ moveamini , cum ideo venerim ut bellum committam. Hæc voluntas mea est , nulla vos invadat turbatio , quasi bello atque infidiis orbe terrarum ferocius exagitato. Nam si hoc modo pejorem partem conciderimus , tunc pars melior Cœlo copulabitur.

R. Deus non est mortuorum.

Le^ctio IX. Sancti Paulini Pont. & Conf. è duabus fiat una ; comm. ejusd. Sancti in Laud. ut in Breviario.



DIE XXIII. JUNII.

De Octavâ Sancti Cizii, semiduplex.

In I. Nocturno.

Lectiones de scripturâ occurrente.

In II. Nocturno.

Lectione IV.

Sermo Sancti Augustini Episcopi.

In Append. 223. nov. edit.

Patienter permittunt qui ægri sunt
se à medicis secari , ura & variis
amaritudinum confectionibus anxiari , ut
temporali tandem restituantur sanitati :
quanto magis vir beatus longanimitate
toleravit omnem acerbitatem tormento-
rum temporalium , ut coronaretur in
misericordiâ & miserationibus , & tan-
dem in bonis satiaretur desiderium suum ?
In torculari itaque conculcari voluit , ut
tamquam uva matura in vinum defice-
ret , & vinum malorum granatorum di-
lecto suo propinaret , quo mentes reli-
giosæ debrietatæ sciunt terrena viriliter
conculcare , & ad æterna irretortis ocu-
lis anhelare.

R. Rex mundi.

Qui ergò in tyrocinio suo mundanas contempsit divitias , qui corporales etiam refrænavit illecebras , qui in pro- vectu militiæ suæ multas est perpeccus injurias , in perfectione sacrificii nihil sibi reservans seipsum obtulit holocaustum , bibens illum calicem pretiosum quem sedens ad magnam mensam sacræ lectionis sibi priùs ab invitatore suo vi- derat appositum : cuius mors quantumcumque videatur in conspectu reprobo- rum despicabilis , in oculis tamen ejus est pretiosa , qui in sanctis suis est mira- bilis. Ipse enim primò vocavit militem suum , ipse justificavit , ipse magnifica- vit , ipse dedit ei pugnare , ipse dedit ei & vincere.

R. Cum à mortuis.

Longè est dissimilis hæc militia mun- danæ militiæ , in quâ victores exis- timantur qui quod malè desiderant asse- quuntur , qui lætantur cum malefecerint & exultant in rebus pessimis. In Chris- tiano verò agone manifesta est pœna , occulta victoria , secundūm quod ex per- sonâ Martyrum clamat Psalmista : Deus

tu repulisti nos & non exhibis in exercitiis nostris. Da nobis auxilium de tribulatione , quia vana salus hominis. In Deo faciemus virtutem , tamquam si dicerent victoria nostra , gloria nostra intus non foris est. Foris despecti intus dilecti. Hinc veritas Discipulos suos præmonet dicens : in mundo pressuram habebitis , sed nolite timere pusillus grec , quia ego vici mundum. Sed quomodo vicit mundum ? Factus est obediens Patri usque ad mortem. Quomodo ergo vicit Christus vincere appetat Christianus , ut ubi est Christus esse mereatur & Christianus.

R. Mundi creator.

In III. Nocturno.

Lectio VII.

Lectio sancti Evangelii secundum Matthæum.

IN illo tempore , dixit Jesus Discipulis suis : Nolite arbitrari quia pacem venerim mittere. Non veni pacem mittere , sed gladium. Et reliqua.

De Homilia S. Joannis Chrysostomi.

Non dixit bellum , sed quod atrocius est gladium. Quod si acerbius hæc & minus composite dicta tibi videantur

deantur nequaquam mireris : verborum enim asperitate aures ipsorum exercere voluit , ne in rerum ipsarum difficultate resilirent . Satius est lenitatem & mansuetudinem in rebus cernere , quam in verbis . Propterea nec ista sibi suffecerunt , sed Iatius naturam istius belli , ac singulas partes amplificans , omni bello intestino , atque civili multò magis pestiferum ostendit ; namque ait separare hominem veni adversus patrem suum , & filiam adversus matrem suam , & nurum adversus socrum suam . Magnum omnino ac super hominem est , quod qui primi hæc audierint libenter suscipere & aliis persuadere potuerunt . Et quamquam non ipse , sed hominum improbitas horum omnium causa futura esset , se tamen facturum omnia dicit .

R. Dictum est illis .

Lectio VIII.


Sed quænam hæc est prophetia : ini-
mici hominis domestici ejus ? His
verbis omnibus rebus superiorem facere
conatur eum qui dicta ejus esset suscep-
turus ; nec enim mori sed malè mori ma-
lum est : ideo dicebat : ignem veni mit-
tere in terram . Quibus verbis vult signi-

D

ficare magnitudinem ac ardorem charitatis quam flagitat. Nam quoniam ipse nos mirum in modum dilexit , ideo singulari à nobis quoque charitate diligenter desiderat. His quippe monitionibus Apostolos simul & muniebat & sublimiores faciebat. Intellexisti quomodo verum Dei patris filium se esse ostendit , cum jubet omnibus rebus charitatem suam anteponere ? Sed quid de amicis atque cognatis dispergo , cum etiam ait si animam tuam meæ charitati anteposueris , procul à Discipulorum meorum numero te separaveris ?


R. Deus non est mortuorum.

Lectio IX. de Vigiliâ Nativitatis Sancti Joannis Baptistæ. Commemor. ejusdem in Laud. ut in Breviario.




DIE XXIV. JUNII.

Festum Nativitatis Sancti Joannis Baptistæ, duplex primæ classis. Non fit commem. oct. Sancti Cizii. In Missa dic. Credo.



DIE XXV. JUNII.

*Officium de Octavâ Nativit. Sancti
Joannis Baptiste, cum commem. Oct.
Sancti Cizii in Laud.*



DIE XXVI. JUNII.

Octava Translationis S. Cizii, duplex.

IN I. VESPERIS.

*Omnia ut in die Translationis, sicut
& in cæteris omnibus Horis Officii, ex-
ceptis iis quæ sequuntur.*

Ad Magnificat.

*Ant. Dico vobis amicis meis, ne ter-
reamini ab his qui occidunt corpus, &
post hæc non habent amplius quid fa-
ciant.*

*Oratio. Omnipotens, ut in die Trans-
lationis. Fit commem. Oct. Nat. Sancti
Joannis Baptiste, ut in Breviario.*

Dij

(40)

AD MATUTINUM.

In I. Nocturno.

Lectione I.

De Isaïâ Prophetâ. . . . Cap. 66.

Lætamini cum Jerusalem, & exultate
in eâ canticis qui diligitis eam. Gaudete
cum eâ gudio universi qui ligetis
super eam, ut fugatis & repleamini ab
ubere consolationis ejus: ut mulgeatis &
deliciis affluatis ab omnimodâ gloriâ ejus,
quia hæc dicit Dominus: Ecce ego de-
clinabo super eam quasi fluvium pacis,
& quasi torrentem inundantem gloriam
gentium quam sugetis: ad ubera porta-
himini & super genua blandientur vobis.
Quomodo si cui mater blandiatur, ita
ego consolabor vos, & in Jerusalem con-
solabimini. Videbitis & gaudebit cor ves-
trum, & ossa vestra quasi herba ger-
minabunt, & cognoscetur manus Domini
servis ejus, & indignabitur inimicis suis.

R. Videbitis.

Lectione II.

De Ezechiele Prophetâ. . . . Cap. 37.

Facta est super me manus Domini, &
eduxit me in spiritu Domini, & di-
misit me in medio campi qui erat plenus
osibibus: & circumduxit me per ea in

gyro , erant autem multa valde super faciem campi , sicque vehementer , & dixit ad me , fili hominis , putas-ne vivent ossa ista ? Et dixi Domine Deus tu nости , & dixit ad me : vaticinare de ossibus ipsis , & dices eis . Ossa arida audite verbum Domini . Hæc dicit Dominus Deus ossibus his : ecce ego intromittam in vos spiritum & vivetis , & dabo super vos nervos , & succrescere faciam super vos carnes , & superextendam in vobis cutem , & dabo vobis spiritum & vivetis , & scietis quia ego Dominus . Et prophetaui sicut præceperat mihi : factus est autem sonitus prophetante me , & ecce commotio . Et accesserunt ossa ad ossa unumquodque ad juncturam suam . Et vidi & ecce super ea nervi & carnes ascenderunt , & extenta est in eis cutis de super , & spiritum non habebant .

R. Ecce ego .

Lectio III.

ET dixit ad me : vaticinare ad spiritum , vaticinare fili hominis , & dices ad spiritum . Hæc dicit Dominus Deus : à quatuor ventis veni spiritus , & infusilla super imperfectos illos & reviviscant . Et prophetavi sicut præceperat

mihi. Et ingressus est in eā spiritus & exixerunt, steteruntque super pedes suos exercitus grandis nimis valde. Et dixit ad me fili hominis, ossa hæc universa domus Israel est. Ipsi dicunt aruerunt ossa nostra, & periit spes nostra, & abscessi sumus. Propterea vaticinare & dices ad eos: hæc dicit Dominus Deus, ecce ego aperiam tumulos vestros, & educam vos de sepulcris vestris, populus meus, & inducam vos in terram Israel, & scietis quia ego Dominus, cum aperuero sepultra vestra, & eduxero vos de tumulis vestris popule meus, & dedero spiritum meum in vobis, & requiescere vos faciam super humum vestram. Et scietis quia ego Dominus locutus sum & feci, ait Dominus Deus.

R. Expergiscimini.

In II. Nocturno.

Lectione IV.

De Epistolâ Sti. Hyeronimi Presbyteri
adversus Vigilantium.

Doleat Vigilantius Martyrum Reliquias pretioso operiri velamine; & non vel pannis vel cilicio colligari, vel projici in sterquilinium. Ergo sacrilegi sumus, quandò Apostolorum Basilicas

ingredimur? Sacrilegus fuit Constantinus Imperator, qui Sanctas Reliquias Andreæ, Lucæ & Timothei transtulit Constantinopolim, apud quas dæmones rugiunt & inhabitatores Vigilantii illorum se sentire præsentiam confitentur? Sacrilegus dicendus est & nunc Augustus Arcadius, qui ossa Beati Samuelis longo post tempore de Iudeâ transtulit in Thraciam? Omnes Episcopi non solum sacrilegi, sed & fatui judicandi qui rem vilissimam & cineres dissolutos in ferico & vase aureo portaverunt? Stulti omnium Ecclesiarum populi qui occurrent Sanctis Reliquiis; & tantâ lætitia, quasi præsentem viventemque Prophe-tam cernerent, suscepserunt? Mortuum suspicaris, & idcirco blasphemas. Lege Evangelium, Deus Abraham, Deus Iaac, Deus Jacob non est Deus mortuorum, sed vivorum.

R. Rex mundi.

Lectio V.

DIcis quod dum vivimus, mutuò pro nobis orare possumus; postquam autem mortui fuerimus, nullius sit pro alio exaudienda oratio, præser-tim cum Martyres ultiōnem sui sanguini-

nis obsecrantes impetrare non quiverint. Si Apostoli & Martyres adhuc in corpore constituti possunt orare pro cæteris, quando pro se adhuc debent esse solliciti: quanto magis post coronas, victorias & triumphos? Unus homo Moïses sexcentis millibus armatorum impetrat à Deo veniam: & Stephanus imitator Domini sui, & primus Martyr in Christo, pro persecutoribus veniam deprecatur. Et postquam cum Christo esse cœperint minus valebunt? Paulus Apostolus ducentas septuaginta sex sibi dicit in navi animas condonatas, & postquam resolutus esse cœperit cum Christo, tunc ora clausurus est, & pro iis qui in toto orbe ad suum Evangelium crediderunt mutire non poterit?

R. Cum à mortuis.

Lectione VI.

M Alefacit ergò Romanus Episcopus qui super mortuorum hominum Petri & Pauli, secundum nos ossa veneranda, secundum te vilem pulvifculum, offert Domino sacrificia, & tumulos eorum Christi arbitratur altaria? Et non solum unius urbis, sed totius orbis errant Episcopi, qui cauponem Vigilan-

tium contemnentes , ingrediuntur Basili-
licas mortuorum , in quibus pulvis vilif-
simus & favilla nescio quæ jacet linte-
mine convoluta , ut polluta omnia pol-
luat , & quasi sepulcra pharisaïca foris
dealbata sint , cum intus immundo cinere
juxta te , immunda omnia oleant atque
fordeant ? ô portentum in terras ultimas
deportandum !

R. Mundi creator.

In III. Nocturno.

Lectio VII.

*Lectio sancti Evangelii secundum
Lucam.*

IN illo tempore , accesserunt quidam
Sadducæorum qui negant esse resur-
rectionem . Et reliqua .

Homilia Sancti Gregorii Papæ.

Moral. in Job. L. 14. c. 55. n. 70.

Sunt nonnulli qui considerantes quod
spiritus à carne solvitur , quod caro
in putredinem vertitur , quod putredo
in pulverem redigitur , quod pulvis ita
in elementa solvitur , ut nequaquam ab
humanis oculis videatur , resurrectionem
fieri posse desperant : & dum arida ossa
inspiciunt , hæc vestiri carnibus rursùm
que ad vitam viridescere posse diffidunt .

Qui si resurrectionis fidem ex obedientia non tenent , certè hanc tenere ex ratione debuerant . Quid enim quotidiè nisi resurrectionem nostram in elementis suis mundus imitatur ? Consideremus parvum cujuslibet arboris semen quod in terram jacitur ut arbor ex illo producatur , & comprehendamus si possumus , ubi in illâ tantâ brevitate feminis tam immensa arbor latuit quæ ex illo processit , ubi lignum , ubi cortex , ubi viriditas foliorum , ubi ubertas fructuum : numquid nam in semine tale aliquid cernebatur , cum in terram jaceretur ?

R. Dictum est illis.

Lectio VIII.

Quid ergo mirum si tenuissimum pulverem nostris oculis in elementis redactum , cum vult , in hominem reformat , qui ex tenuissimis seminibus immensa arbusta redintegrat ? Quia ergo rationales sumus conditi , spem resurrectionis nostræ ex ipsâ debemus rerum specie & contemplatione colligere : sed quia in nobis sensus torpuit rationis accessit in exemplum gratia Redemptoris . Venit namque conditor noster , suscepit mortem , ostendit resurrectionem ; ut qui

resurrectionis spem ex ratione tenere nolnimus , hanc ex ejus adjutorio & exemplo teneremus. Dicat igitur Beatus Job : scio quod Redemptor meus vivit , & in novissimo die de terrâ surrecturus sum. Et quisquis resurrectionis in se virtutem fieri posse desperat verba in gentilitate positi viri fidelis erubescat , & penset quanto pœnæ sit pondere feriendus , si adhuc non credit suam , qui jam resurrectionem Domini cognovit factam , si & ille suam credidit qui adhuc Domini Jesu sperabat esse faciendam.

R. Deus non est mortuorum.

Lectio IX.

Sed ecce resurrectionem audio , effectum tamen ejus resurrectionis exquo. Credo namque quia resurrecturus sim , sed volo ut andiam qualis. Scendum quippè mihi est utrùm in quodam alio subtili fortassè , vel aëreo , an in eo quo moriar corpore resurgam. Sed si in aëreo corpore surrexero , jam ego non ero qui resurgo : nam quomodo est vera resurrectio , si vera esse non poterit caro ? Aperta ergò ratio suggerit , quia si vera caro non fuerit , procul dubio resurrectio vera non erit. Nec enim rectè resur-

rectio dici potest ubi non resurgit quod excidit. Sed has nobis Beatus Job dubietatis nebulas tollit , cum dicit & rursum circumdabor pelle meā.

Te Deum.

IN LAUDIBUS.

Ad Benedic̄tus.

Ant. Glorificatus sum in oculis Domini , & Deus meus factus est fortitudo mea.


Fit comm. Oct. Nat. Sancti Joannis Baptiste , ut in Breviario.

IN II. VESPERIS.

Ad Magnificat.

Ant. Sepulcrum est hominis Dei , nemo commoveat ossa ejus. Ipsum deprecabuntur , & erit sepulcrum ejus gloriosum.


Fit comm. SS. Joannis & Pauli Martyrum , item Oct. Nat. S. Joannis Baptiste . Omnia ut in Breviario.



DIE XXVII. JUNII.

Officium SS. Joannis & Pauli Martyrum , semid. è die hesternâ huic diei assignat.

affignat. Comm. Oct. Nativit. S. Joannis Baptiste in Laud. Omnia ut in Breviario. Vesperæ à Capitulo de S. Leone Papâ & Conf. Comm. SS. Joannis & Pauli, & Oct. Nat. S. Joannis Baptiste, ut in Breviario.



DIE XVI. AUGUSTI.

*Festum Natalis Sancti Cizii Martyris,
Civitatis Rivensis Patroni, duplex
primæ classis.*

*Pridie, in Vesperis de Assumptione
Beatæ Mariæ Virginis, fit commemo-
ratio Festi Sancti Cizii.*

*Ant. Ecce Deus Salvator meus, fidu-
cialiter agam & non timebo, quia forti-
tudo & laus mea Dominus, & factus est
mihi in salutem.*

*XV. Ego cantabo Domine fortitudinem
tuam.*

*R. Et exultabo manè misericordiam
tuam.*

Oratio.

Deus qui populo tuo Beatum Ci-
zium Martyrem tuum Patronum
piè dedisti: tribue quæsumus ut qui ejus

Natalitia colimus , ipsius meritis & intercessione ab omnibus periculis eruamur. Per Dominum.

AD MATUTINUM.

Invitat. Dominum Deum exercituum : * Venite adoremus.

Psalm. Venite exultemus.

Hymnus.

Cælorum superi , claustra reclude :

Mundi victor adest mortis & hostium
Athletæ Domini plaudite Cizio

Clarum dicite Martyrem.

Illum non gladii , non furor impius
Terrent , non acies innumerabilis ,

Hostes exiguâ Christiadum manu

Captis pellit ab arcibus.

At dum densa ruit ductor in agmina ,
Uniusque cadunt undique dexterâ

Majorem mediis captus in hostibus

Palmam querit & invenit.

Nil promissa juvant , munera , nil minaz
Christi Discipulo quo rapiant fidem ;

Vitam non animum ferreus eripit

Crebro vulnere malleus.

Idem pro Domino victor & hostia
Palmam multiplicem dum cadit obtinet

Vindictamque crux fusus in impios

Cœlo clamat & impetrat.

Urit Christicolas vis animosior
Cæsus pugnat adhuc Cizius in suis
Samsoni similis , victor ab hostibus

Plures mortuus enecat.

Hostis bella movet plurima tartarus
Juges terrigenis insidias parat ,
Ne viatos misero subjiciat jugo ,
Auge Christe tuis fidem. Amen.

In I. Nocturno.

Ant. Induit se loricam sicut gigas , &
fuccinxit se arma sua bellica in præliis.

Psalmi de Comm. unius Martyris.

Ant. Præliabatur prælium Israel cum
lætitia , & protegebat castra gladio suo.

Ant. Persecutus est iniquos perscrutans eos , & qui conturbabant populum suum.

X. Domine spes mea à juventute
meâ.

R. In te confirmatus sum ex utero.

Lectio I.

De Libro primo Machabæorum.

Cap. 3.

S Urrexit Judas qui vocabatur Machabæus filius ejus pro eo , & adjuvabant eum omnes fratres ejus & universi qui se conjunxerant patri ejus , & præ-

liabantur prælium Israel cum lætitia. Et dilatavit gloriam populo suo , & induit se loricam sicut gigas , & succinxit se arma bellica sua in præliis , & protegebat castra gladio suo. Similis factus est leoni in operibus suis , & sicut catulus leonis rugiens in venatione. Et persecutus est iniquos perscrutans eos , & qui conturbabant populum suum eos succendit flammis. Et repulsi sunt inimici ejus præ timore ejus , & omnes operarii iniquitatis. Et directa est salus in manu ejus. Lætificabat Jacob in operibus suis , & in sæculum memoria ejus in benedictione.

R. Certamen forte dedit illi Dominus , ut vinceret & sciret * Quoniam omnium potentior est sapientia.

V. Hæc est victoria quæ vincit mundum fides nostra. * Quoniam.

Lectio II.

ET audivit Seron Princeps Exercitus Syriæ , quod congregavit Judas congregationem Fidelium & Ecclesiam secum , & ait : Faciam mihi nomen , & glorificabor in regno , & debellabo Iudam & eos qui cum ipso sunt qui spernebant verbum Regis , & præparavit se,

& ascenderunt cum eo castra impiorum, fortis auxiliarii, ut facerent vindictam in filios Israel. Et appropinquaverunt usque ad Bethoron : & exivit Judas obviam illis cum paucis. Ut autem videbunt Exercitum venientem sibi obviam, dixerunt Judæ : quomodo poterimus pauci pugnare contrà multitudinem tantam & tam fortēm ?

R. Usque ad mortem certa pro justitiâ : * Et Deus impugnabit pro te inimicos tuos.

X. Arcum conteret & confringet, arma & scuta comburet igni. * Et Deus.

Lectio III.

Et ait Judas, facile est concludi multos in manus peccatorum, & non est differentia in conspectu Dei Cœli, liberare in multis & in paucis : quoniam non in multitudine exercitūs victoria belli, sed de Cœlo fortitudo est. Ipsí veniunt ad nos in multitudine contumaci & superbiā, ut disperdant nos & uxores nostras & filios nostros, & ut spolient nos : nos verò pugnabimus pro animabus nostris & legibus nostris, & ipse Dominus conteret eos antè faciem nostram ; vos autem ne timueritis eos. Ut

cessavit autem loqui insiluit in eos subito , & contritus est Seron & exercitus ejus in conspectu ipsius.

R. Dominus mihi astitit & confortavit me : * Et liberabit me ab omni opere malo.

X. Si confiscent adversum me castra , non timebit cor meum. * Et liberabit Gloria. * Et liberabit.

In II. Nocturno.

Ant. Semper confidebat cum omni spe auxilium sibi à Deo ad futurum.

Psalmi de Comm. unius Martyris.

Ant. Hortabatur ne formidarent , sed in mente haberent adjutoria sibi facta de Cœlo.

Ant. Singulos armavit non clypei tantum & hastæ munitione , sed sermonibus optimis & exhortationibus.

X. Diligam te Domine fortitudo mea.

R. Dominus firmamentum meum & refugium meum.

Lectio IV.

Quo tempore Agareni qui & Saraceni Hispaniā potiti , aperto sibi per Pyrenæos Montes transiit , ad quadraginta virorum millia in Galliam irruerant , & majori parte Septimaniæ occu-

patâ, vicinos etiam Tolosæ tractus obtinebant, ibique ad ripam Garumnae, in finibus Comitatûs Convenarum, multa falso cultui suo dicata extruxerant templa: inter alios quos fidei ardor accedit ad Christi hostes ab illis regionibus repellendos, Cizius priscorum Burgundiæ Ducum, in Civitate Bisuntinâ, genere ortus non minùs pietate quam bellicâ fortitudine præcelluit: nam ut passionis ejus perversta acta testantur, sub militari veste austera vitam dicens, mortum gravitate & modestiâ omnium virtutum præclarum specimen dabat. Pauperes de suis quantum poterat opibus, aliisque omnibus quibus licebat modis, adjuvabat: nihilque de pietatis operibus prætermittens, plurimos infideles ad fidem christianam convertit. Ferunt de illo quod dum Caroli Magni vice fungeretur in civilium causarum cognitione, ea erat sagacitate, ut Causidicorum excusso fuso, ex Legum Germanâ interpretatione, jus suum cuique, cunctis mirantibus, tribueret. Nec minùs de salute vulneratorum in bello follicitus, si contingeret aliquem hostili telo transfigi, quod ipse Cizius manu propriâ extrahe-

ret , fauciatus licet gravissimo vulnere ,
Deo mirabiliter operante , brevi sanabatur.

R. Confortare & esto robustus , quia
Dominus Deus tuus ipse est ductor tuus ,
ipse erit tecum : * Non dimittet nec de-
relinquet te , noli timere .

X. Ne paveas irruentes tibi potentias
impiorum . * Non dimittet .

Lectio V.

His dotibus præditus Christi miles
Cizius tertiae parti equestrium ma-
nipulorum à Carolo Magno præficitur ,
cum quâ vastam ingressus planitiem quam
alluit Garumna fluvius , quibusdam à
Tolosâ in meridiem dissitam leucis , in-
fidelium munitiones expugnat , qui dum
collato numerosissimo exercitu obviam
procedunt , Cizius copiarum suarum cu-
neos circuiens , his verbis accendebat
commilitones : Bellate viriliter & lucra-
bimini cœlestem coronam , infideles isti
pro terrenis thesauris dimicant , nos vero
pro gloriâ sempiternâ , nec terreat vos
multitudo . Mementote mirabilium quæ
fecit Dominus in expugnandis infidelium
munitionibus . His dictis in hostes insiluit .
Sed dum fortiter dimicans densissimas

manus penetrat , ab infidelibus omni ex parte vallatus capitur ; oblatâ statim conditione servandæ vitæ si Mahometi fidem amplecteretur, constanter renuens Christum crucifixum adorat & invocat : atque Martyrii cupidus à Domino exauditur , cum infidelium in eum laxatâ rabie maleatus occiditur.

R. Labora sicut bonus miles Christi Jesu , nam & qui certat in agone , * Non coronabitur nisi legitimè certaverit.

X. Certa bonum certamen fidei , apprehende vitam æternam in quâ vocatus es. * Non coronabitur.

Lectione VI.

Sed de nece Ducis factus ferocior Christianorum exercitus , & inde animosior evadens tanti sceleris ultiōnem non distulit. Nam deleto penitus infidelium exercitu , totum circā campum ingenti corporum stravit copiā. Et ita recuperatum Cizii corpus , ipse Carolus Magnus cum proceribus exercitūs in ipso certaminis loco , qui nomen Sancti Cizii servat , tumulo marmoreo condi curavit. Dumque tantus Princeps totque militum millia qui testes conversationis & exitūs Cizii fuerant eum ut Martyrem vene-

rantur ac prædicant , huic dupli palma
gloriofo Capella ex ruderibus direpta-
rum hostilium munitionum construitur.
Ubi varia ac multa operata est miracula
clementia Salvatoris. Quibus ritè cogni-
tis & probatis Episcopi Tolosani Sanc-
tum Martyrem , cuius Reliquiæ in eo-
rum Dioecesi tunc temporis quiescebant ,
Sanctorum Ecclesiæ suæ catalogo annu-
merarunt. Quæ demum Reliquiæ , erec-
to Episcopatu Rivenſi , in Urbem Rivo-
rum translatæ sunt , ubi dupli festo na-
tal is scilicet & translationis , non medio-
cri populi concurſu , Sancti Martyris
memoria singulis annis celebratur.

R. Si exurgat adversum me prælium ,
in hoc ego sperabo : * non timebo quid
faciat mihi homo.

V. Dominus mecum est tamquam bel-
lator fortis. * Non timebo. Gloria. * Non
timebo.

In III. Nocturno.

Ant. Non in multitudine exercitū
victoria belli , sed de Cœlo fortitudo est.

Psalmi de Communi unius Martyris.

Ant. Hi veniunt ad nos in superbiâ
ut disperdant nos , & spolient nos : nos

verò pugnabimus pro animabus nostris
& legibus nostris.

Ant. Insiluit in eos subitò , & contri-
tus est Seron & exercitus ejus in con-
pectu ipsius.

X. Adjutor meus tibi psallam.

R. Quia Deus susceptor meus es.

Lectio VII.

Lectio sancti Evangelii secundum

Lucam. . . Cap. 21. v. 9.

IN illo tempore , dixit Jesus Discipu-
lis suis : Cum audieritis prælia & se-
ditiones , nolite terreri. Et reliqua.

Homilia S.Cypriani Episcopi & Martyris.

Ad Thibar. de exh. ad Mart.

Gaudere nos & exultare voluit in
persecutionibus Dominus , quia
quando persecutiones fiunt , tunc dantur
coronæ fidei , tunc probantur milites
Dei , tunc Martyribus patent Cœli. Ne-
que enim sic nomen militiæ dedimus , ut
pacem tantummodo cogitare , & detrac-
tare ac recusare militiam debeamus ,
quando in ipsâ militiâ primus ambulave-
rit Dominus , humilitatis & tolerantiae
& passionis magister , ut quod fieri do-
cuit prior ipse faceret ; & quod pati hor-
tatur , prior pro nobis ipse pateretur. Sic

ante oculos quod qui omne iudicium à patre solus accepit , & qui venturus est & iudicaturus , jam iudicii sui & cognitionis futuræ sententiam protulerit : prænuntians & contestans confessurum se coram patre suo confitentes & negatrum negantes . Si mortem possemus evadere , meritò mortem timeremus ; porro autem cum mortalem mori necesse sit , ne vereamur occidi quos constet quando occidimur coronari .

R. Scio tribulationem tuam : * Nihil eorum timeas quæ passurus es .

X. In igne probatur aurum , homines verò receptibiles in camino humiliations . * Nihil eorum .

Lectio VIII.

NEQUE aliquis ex vobis persecutionis metu sic terreatur , ut non evangelicis exhortationibus & præceptis ac monitis cœlestibus ad omnia inveniatur armatus . Irafcitur adversarius & minatur , sed est qui possit de ejus manibus liberare . Ille metuendus est cuius iram nemo poterit evadere , ipso præmonente & dicente : ne timeritis eos qui occidunt corpus , animam autem non possunt occidere . Magis autem metuite eum qui potest

potest corpus & animam occidere in gehennam. Et iterum qui amat animam suam perdet illam , & qui odit animam suam in isto saeculo , in vitam aeternam conservabit illam. Ecce Agon sublimis & magnus & coronae coelestis premio gloriosus , ut spectet nos certantes Deus : & super eos quos filios facere dignatus est , oculos suos pandens , certaminis nostri spectaculo perfruitur. Praeiantes nos spectat Deus , spectant Angeli , spectat & Christus. Quanta est gloriae dignitas , quanta felicitas praesente Deo congreedi & Christo judice coronari ?

R. Prompto animo ac fortiter pro gravissimis atque sanctissimis legibus : * Honestâ morte perfungar.

V. Dedit se ut liberaret populum suum , & acquireret sibi nomen aeternum. * Honestâ. Gloria. * Honestâ.

Lectio IX.

Armemur viribus totis & paremur ad agonem mente incorruptâ , fide integrâ , virtute devotâ. Armat nos Apostolus , dicens : induite arma Dei , ut possitis resistere in die nequissimo. Induamur loricam justitiae , ut contra inimici jacula munitum sit pectus & tutum. Cal-

ceati sint evangelico magisterio & armati
pedes , ut cum serpens calcari à nobis &
obteri cœperit , mordere & supplantare
non possit. Portemus fortiter scutum fi-
dei , quo protegente quidquid jaculatur
inimicus possit extingui. Accipiamus ad
tegumentum capitis galeam salutarem ,
ut muniantur aures ne audiant ediæta fe-
ralia , muniantur oculi ne videant dete-
tanda simulacra. Muniatur frons , ut sig-
num Dei incolume servetur. Muniatur
os , ut Dominum suum Christum vic-
trix lingua fateatur. Armemus & dexte-
ram gladio spirituali , ut sacrificia funesta
fortiter respuat , & Eucharistiæ memor
quæ Domini corpus accepit ipsum com-
plectatur , postea à Domino sumptura
præmium cœlestium coronarum.

Te Deum.

A D L A U D E S .

Ant. Fortis in bello (Cizius) fuit
magnus secundùm nomen suum , maxi-
mus in expugnando insurgentes hostes.

Psalmi de Dominicâ.

Ant. Invocavit altissimum potentem
in oppugnando inimicos undique , &
audivit illum magnus & sanctus Domi-
nus.

Ant. De omni corde suo laudavit Dominum , & dedit illi contrà inimicos potentiam.

Ant. Impetum fecit contrà gentem hostilem , & in descensu perdidit contrarios.

Ant. Ut cognoscant gentes potentiam ejus , quia contrà Deum pugnare non est facile.

Capitulum . . . II. Tim. 4.

BOnum certamen certavi , cursu consummavi , fidem servavi : in reliquo reposita est mihi corona iustitiae , quam reddet mihi Dominus in illâ die justus index.

Hymnus.

GRANDE RIVORUM DECUS & PATRONE !
Justa persolvunt tibi festa Cives ,
Et tuas sacro celebrare gaudent
Carmine laudes.

Inclitum spirat genus , & pudorem
Forma proceri gravis & venusta
Corporis , toto patet ore splendens
Sanctus & heros.

Principum proles generosa , gentes
Subiectis Regi Dominoque Regum ,
Tunc summittis meliore cultu
Charus utrique.

Utili cunctos operâ juvare
 Sedulus curas , tibi durus uni ,
 Jure concessum patriæ parentis
 Nomen adeptus.

Saucius dextram quoties salubrem
 Sensit ? Altricem quoties egenus ?
 Eger expertus quoties medentem ?

Hostis amicam ?

Nequit ambages , tenebrisque sese
 Occulit frustrà mala fraus , latenti
 Ut dolo quærens aliena , possit
 Aequa videri.

Sol ut effusas radiante nubes
 Luce perlustrat , latebras , dolosque
 Excutis prudens , sua sunt cuique
 Te duce jura.

Christe Sanctorum caput & corona
 Cizii nobis precibus , rogamus ,
 Detur æternæ patriæ beatas

Scandere fedes - Amen.

X. Dominus illuminatio mea & salus
 mea.

R. Quem timebo.

Ad Benedictus.

Ant. Propter opus Christi u
 mortem accessit , tradens animan
 & mundus obiit per omnia in I
 confidens.

(65)
Oratio.

Deus qui populo tuo Beatum Ci-
zium Martyrem tuum Patronum
piè dedisti: tribue quæsumus, ut qui ejus
natalitia colimus, ipsius meritis & inter-
cessione ab omnibus periculis eruamur.
Per Dominum.

*Non fit commemor. Octavæ Assumpt.
B. M. V.*

AD PRIMAM.

Ant. Fortis in bello. *Lectione brevis,*
Capitulum Nonæ infrā.

AD TERTIAM.

Ant. Invocavit. *Capitul.* ut in Lau-
dibus.

R. br. Adjutor meus esto: * Ne dere-
linquas me. Adjutor. Neque despicias
me Deus salutaris meus. * Ne derelin-
quas me. Gloria. Adjutor.

X. Qui vicerit & custodierit opera
mea.

R. Dabo illi potestatem super gentes.

AD SEXTAM.

Ant. De omni corde suo.

Capitulum. . . . Apoc. 3. 5.

Qui vicerit vestietur vestimentis al-
bis, & non delebo nomen ejus de
libro vitæ, & confitebor nomen ejus.

(66)

coram Patre meo & coram Angelis ejus.

R. br. Qui vicerit & custodierit *
Opera mea, Qui vicerit. Dabo illi po-
testatem super gentes. * Opera mea.
Gloria. Qui vicerit.

X. Vincenti dabo edere de ligno vitæ.

R. Quod est in Paradiso Dei mei.

A D N O N A M.

Ant. Ut cognoscant.

Capitulum... II. Cor. 4. 17.

I D quod in præsenti est momentaneum
& leve tribulationis nostræ , suprà
modum in sublimitate æternum gloriæ
pondus operatur in nobis.

R. br. Vincenti dabo edere * De ligno
vitæ. Vincenti. Quod est in Paradiso
Dei mei. * De ligno vitæ. Gloria. Vin-
centi.

X. Qui vicerit ero illi Deus.

R. Et ipse erit mihi filius.

Missa propria.

IN II. V E S P E R I S.

*Antiphonæ ut in Laudibus. Psalmi de
Dominicâ. Loco ultimi dicitur Psalm.
Credidi propter quod. Capitulum , Bo-
num certamen , ut in Laud. Hymnus ,
Cœlorum superi , ut in Matut.*


XV. Desiderium animæ ejus tribuisti ei
Domine.

R. Et voluntate labiorum ejus non
fraudasti eum.

Ad Magnificat.

Ant. Gloriosissimam mortem , magis
quam odibilem vitam complectens vo-
luntariè ibat ad supplicium ; & patienter
sustinens destinavit non admittere illicita
propter vitæ amorem.

*Oratio ut in I. Vesperis. Fit commem.
diei Octavæ Sancti Laurentii Mart.
tantum , ut in Breviario.*




DIE XVIII AUGUSTI.

*Officium S. Hyacinthi Confess. duplex :
è die 16 hujus mensis huicce diei assig.*

*Pridiè Vesperæ de die Octavâ S. Lau-
rentii , à Capitulo de S. Hyacintho.
Commem. S. Laurentii , Oct. Assumpt.
& S. Agapiti Mart. Omnia ut in Bre-
viario. In Matut. 9^a Lectio S. Agapiti.
Commem. ejusdem S. in Laudibus , post
Comm. Oct. Assumpt.*

*In II. Vesperis de S. Hyacintho , à
Capitulo de S. Rocho Confess. Commem.*

(68)
S. Hyacinthi , & Octav. Assumpt. B.
M. V.



DIE XIX. AUGUSTI.

Sancti Rochi Confessoris , duplex.

*Omnia sumuntur de Communi Confess.
non Pont. exceptis quæ sequuntur.*

Oratio.

Subveniat nobis quæsumus Domine
Beati Rochi apud te intercessio , quæ
& iræ tuæ flagella à nobis avertat & tuæ
nos reconciliet majestati. Per.

In I. Nocturno.

Lectiones de scripturâ occurrente.

In II. Nocturno.

Lectione IV.

ROCHUS apud Montem Pessulanum
in Galliâ Narbonensi , claro &
equestri , ut aiunt , genere ortus , piâ
in teneris annis ac sanctâ à parentibus
institutione acceptâ , adhuc adolescens ,
relictis patriâ & bonis , peregrinationem
Romam usque , religionis & pietatis
causâ , suscepit. Dumque per Italiam
iter ageret , quantum ipse poterat , ad
xenodochia divertebat , eo potissimum

animo ut pauperes & ægros , quācumque licebat ratione atque subsidio solaretur. Peste igitur in iis regionibus fervente , præclaram nactus exercendæ charitatis opportunitatem , strenuam in juvandis & curandis eâ infectis operam navare cœpit , & in opus adeò periculosum sedulò incumbere non dubitavit ; plurimisque solo Crucis signo sanitatem reddidisse traditur : quod & celebres Italiæ Urbes , ipsaque Roma expertæ sunt.

R. Honestum fecit.

Lectio V.

VErūm ut tanta viri Dei merita au- gerentur , postquam multos curas- set , ipse Romā egressus , Placentiæ pef- tilentiā corripitur : quā cum gravissimè laboraret , in proximam silvam se rece- pit ; ubi mirabilibus modis , Deo prote- gente , conservatus non sine miraculo sanitati restitutus est. Quā recuperatā , in patriam post multos annos revertitur. Cum autem illa tumultibus pateret , bel- lisque turbaretur , tamquam explorator comprehensus conjicitur in carcerem , ubi diu durè exceptus plurimis subja- cuit ærumnis , quibus cum maximā pa-

tientiæ laude toleratis , tandem in iugi
meditatione Passionis Christi è vivis ex-
cessit , decimo sexto Kalendas Septem-
bris , anni millesimi trecentesimi vigesi-
mi septimi.

R. Amavit eum.

Lectione VI.


Post ejus transitum , non minoris il-
lum fuisse apud Deum virtutis in
iis sanandis qui peste laborabant testata
sunt diversa quæ temporis decurso ad
ejus invocationem evenerunt miracula.
Quæ cum Patribus Concilii Constantien-
sis innotuissent , ipsorum decreto ad pro-
pulsandam , ejus patrocinio , luem in urbe
grassantem , imaginem Sancti solemini
pompâ , per urbem gestatam fuisse , &
hoc modo quievisse sævitiam morbi ,
multi scripserunt . Certum est autem an-
tiquissimum esse cultum Rocho in Ec-
clesiâ publicè exhiberi solitum ; quem
etiam non multò post ejus obitum ini-
tium habuisse testantur & ipsa martyro-
logia atque prisca Ecclesiarum Breviaria:
quemque longè & latè diffusum jamdiu
in Ecclesiâ celebrem esse comprobant tot
in diversis locis , diversisque temporibus
in ejus honorem Deo ædificata facella ,

templa erecta & extructa altaria. Tot ad ejus invocationem à magistratibus & populis emissa publicè vota. Tot indicetæ supplicationes pro ejus ope implorandâ. Tot ubique locorum sub ejus nomine erectæ piæ sodalitates. Totque demùm annuæ seu quotidianæ, ob miracula ejus intercessione patrata, in depellendis pestilentibus & contagiosis morbis, institutæ gratiarum actiones. Ejus Reliquias magnâ ex parte Venetiis in Italâ, & ex aliâ parte Arelate in Gallâ servari creditur: unde fragmenta quædam alio variè translata dicuntur.

R. Iste homo.

In III. Nocturno.

Lectiones ex Homiliâ venerabilis Bedæ in Evang. Nolite timere, ut in Comm. Conf. non Pont. In Laud. comm. Oct. Assumpt. Missa Justus ut palma, in Missali, cum orat. Officii. In II. Vesp. de S. Rocho, à Capit. de S. Bernardo Abb. Comm. S. Rochi, & Oct. Assumptionis.



DIE XXVII. AUGUSTI.

Sancti Vidiani Martyris, duplex.

*Omnia de Communi unius Martyris,
præter ea quæ h̄ic notantur propria.
Pridiè, Vesperæ integræ de S. Vidiano.*

Oratio.

DEUS qui es perenne Sanctorum gaudium Beati Martyris Vidiani, da nobis intercessione gaudere, ut qui ejus passionem celebрамus, ipsius precibus suffulti ad te valeamus pervenire. Per Dominum.

In I. Nocturno.

Lectiones de scripturâ occurrente.

In II. Nocturno.

Lectione IV.

Vidianus è Regio Gallorum Principum Sanguine, ut antiqua fert traditio, ortus pro liberando patre suo, qui in bello contrà ~~Agarenos~~ Saracenos in Hispaniâ captus ab ipsis in servitute detinebatur, adhuc puer obsesus, ab infidelibus in carcerem detrusus, variisque affectus fuit ærumnis, quas omnes invictâ toleravit patientiâ : sed

sed ab illis , imò ab ipsâ morte quam ei Rex infidelium paraverat , Deo disponente , mirabiliter ereptus , & in regiones exterias deportatus , post data varia & insignia tām pietatis christianæ , quām bellicæ virtutis signa , tandem ad Aulam Caroli Magni veniens , ibi benevolè excipitur , & ab ipso Carolo Dux Militiæ constituitur : non multò post cum audiisset Saracenos , superatis Pyrænis Montibus , in Galliam prorupisse , variasque ejus Provincias devastare , præsertim eas quæ ad meridiem sitæ illis Montibus viciniores existunt ; non minus zelo fidei & tuendæ religionis ardore , quām patriæ amore incensus , comparato sibi exercitu , contrà illos festinanter occurrit , ut eos è finibus illis penitus exturbaret , & ultrà Montes ejiceret.

R. Honestum fecit.

Lectio V.

Cum hostes quos quærebat , Vidianus esset affecitus in eâ parte Comitatûs Convenensis quæ vicina est Garumnæ fluvio ; in agris qui dicuntur campestres prælium atrox committitur , in quo dum Vidianus non solùm Ducis optimi , sed & strenui militis partes age-

ret , in medio certamine hūc & illūc
discurrens , ut suos & verbo & exemplo
ad fortiter bellandum accenderet : cum-
que jam hostē debilitato ac fermè pro-
fligato , victoria penè Christianos mox
futura appareret , ipse gravissimè vul-
neratus ab acie secedere cogitatur , & ad fon-
tem non longè distantem , qui etiam nunc
nomen Sancti Viðiani retinet , cum ali-
quot sociis confugere , ut quid lenimenti
doloribus suis inveniret . Cum igitur ibi
decumbens vulnera sua aquâ fontis la-
vando , cruentem ex eis , manantem co-
natur extinguere , à superveniente infi-
delium turmâ , unâ cum sociis suis , gla-
dio percussus interiit , & omnes simul
martyrii coronâ donantur .

R. Desiderium animæ.

Lectione VI.

HOrum corpora à fidelibus Christia-
nis collecta & decenter sepulta
adeò , secutis temporibus , miraculis ac
prodigiis floruerunt , ut ii tanquam Mar-
tyres haberi , & cultu publico cœperint
honorari : qui cultus cum in dies propter
nova miracula , magis ac magis cresceret ,
sacræ eorum Reliquiæ è tumulo releva-
tæ in oppido de Martis depositæ fue-

runt, quod cum antiquitus alio nomine vocaretur, à Martyribus nomen de Martris accepisse perhibetur, quodque ab erecto Episcopatu Rivenſi in illâ Diœcesi ſitum eſt. Ibi in Ecclesiâ Parochiali & Capellâ ad hoc ædificatâ religiōſe fervantur Sanctorum Martyrum Reliquiæ, atque ſummae venerationi in totâ latè viciniâ habentur. Has cum viſitaret Joannes-Ludovicus Berterius Rivorum Epifcopus, anno millesimo feſcentefimo trigesimo quarto, advertens eas in thecis carie & vetuſtate collabentibus includi, alias decentiores & magis ornatas fieri jufſit in quibus collocarentur: quod & præſtitum fuit anno ſequente per ejus Vicarium Generalem. Vidiani autem memoria jam ab antiquis retrò diebus ſingulatim & peculiari cultu in Ecclesiâ Martrenſi celebrari quotannis confuevit duplici Fefto, Martyrii ſcili-
cet & Relevationis: propriumque exſtat in ejus honorem Officium valde remo-
tam redolens antiquitatem. Ejus corpo-
ris pars quædam in Ecclesiâ Collegiatâ
Sancti Eparchii deposita custoditur.

R. Stola jucunditatis.

(76)

In III. Nocturno.

Lectio VII.

Lectio sancti Evangelii secundum

Matthaeum... Cap. 10. v. 26.

IN illo tempore, dixit Jesus Discipulis suis: Nihil est opertum quod non revelabitur, & occultum quod non scietur. Et reliqua.

Homilia Sancti Maximi Episcopi.

Bibl. Patr. saec. 5^o.

CUm omnium Sanctorum Martyrum devotissimè natalem celebrare debemus; tum præcipue eorum solemnitas totâ nobis veneratione curanda est, qui in nostris domiciliis proprium sanguinem profuderunt: nam licet universi Sancti ubique sint & omnibus profint, specialiter tamen illi pro nobis interveniunt, qui supplicia pertulere in nobis: exemplo enim eorum didicimus Christo credere, didicimus contumeliis vitam æternam quærere, mortem didicimus non timere. Videte quid Martyribus debeamus, in quo alter tortus est ut alius salvaretur, alter carnificem pertulit ut Christum alter agnosceret, alter morti addictus est ut alius vitâ potiretur æternâ, & ad postremum Sanctus occisus est

ut peccator evaderet. Beati igitur Martyres nec sibi vixerunt nec sibi mortui sunt : exemplum enim nobis reliquerunt bene vivendo conversationis , tolerando fortiter passionis.

R. Corona aurea.

Lectio VIII.

Nam ideo Dominus per totum mundum diversis in locis pati Martyres voluit , ut tanquam idonei testes , nos præfenti quodam fidei exemplo suæ confessionis urgerent , ut humana fragilitas , quæ prædicationis dominicæ aditu longiore vix credit , vel præfenti oculorum testimonio , Martyrio crederet Beatorum. Cuncti igitur Martyres devotissime percolendi sunt , sed specialiter ii venerandi sunt à nobis , quorum Reliquias possidemus : illi enim nos orationibus adjuvant , isti enim adjuvant passione. Cum his autem nobis familiaritas est , semper enim nobiscum sunt , nobiscum morantur ; hoc est & in corpore nos viventes custodiunt , & de corpore receudentes excipiunt , hinc ne peccatorum nos labes assumat , ibi ne inferni horror invadat.

R. Hic est verè Martyr.


Lectio IX.

Cum Sanctis ergò Martyribus quiescentes evadimus inferi tenebras , eorum propriis meritis , attamen confociati sanctitate ; Martyres enim inferni porta non possidet , quoniam eos paradisi regna suscipiunt . Nam videmus eos utique jam regnare : cernimus enim ab iis frequenter obsessos immundissimis dæmonibus homines liberari , ita ut cœlesti medicinâ captiva anima de diaboli laqueis eruatur , & ipse diabolus vinculis igneis alligatus producatur de suâ captivitate captivus , ut qui prædam paulò antè ceperat , ipse subdatur in prædam . Hæc & alia potiora mirabilia per Sanctos fieri omnibus notum est : & ideo veneremur eos in sæculo , quos defensores habere possumus in futuro .

Te Deum laudamus .

*Missa Lætabitur justus , ut in Missali ,
cum oratione Officii .*


In II. Vesperis de S. Vidiano , à Capitulo de S. Augustino Pont. & Eccles. Doct. Comm. S. Vidiani & S. Hermetis Mart. ut in Breviario .



DIE VIII. SEPTEMBRIS.

*Festum Nativitatis B. Mariæ Virginis,
Ecclesiæ Cathedralis & Diœcesis Ri-
vensis Patronæ. Fit duplex primæ
classis.*

*Omnia ut in Breviario. Lectione VIII.
dividitur in duas, quarum ultima inci-
pit ab his verbis: Notandum in Gene-
alogiâ. Non legitur lectio S. Adriani,
neque fit ejus comm. in Laud. & Missâ.
In II. Vesp. non fit comm. S. Gorgonii.*



DIE XVIII. SEPTEMBRIS.


*Dedicatio Ecclesiæ Cathedralis Riven-
sis, duplex primæ classis, cum oc-
tavâ in Civitate tantum.*

*Omnia ut in Breviario. In II. Vesp.
fit comm. SS. Januarii & Soc. Mart.*

DIE XIX. *In Officio SS. Januarii
& Soc. fit comm. oct. Dedic.*

DIE XX. *In Officio SS. Eustachii
& Soc. fit comm. oct. Dedic.*

(80)
DIE XXI. *In Officio S. Matthæi
Apost. fit comm. oœt Dedic.*




DIE XXII. SEPTEMBRIS.

*Sancti Thomæ de Villanova Episc. &
Conf. semid. è 18. hujus mensis huic
diei assignat.*

*Omnia ut in Breviario. Pridie in
Vesperis de S. Matthæo Apost. comm.
S. Thomæ, oœt. Dedicat. & SS. Mau-
ritii & Soc. Mart. In Matutin. 9^a. Leœt.
SS. Mauritii & Soc. In Laudibus comm.
oœt. Dedic. & eorumdem SS. In II.
Vesp. à Capitulo de S. Lino Pap. &
Mart. comm. S. Thomæ, oœt Dedic. &
S. Theclæ Virg. & Mart.*

DIE XXIII. *In Officio S. Lini comm.
oœt. Dedic.*


DIE XXIV. *In Officio B. Mariæ de
Mercede comm. oœt. Dedic.*



DIE XXV. SEPTEMBRIS.

*Dies octava Dedicationis Ecclesiae
Rivensis, duplex.*

*Omnia ut in Breviario. Pridiè in
Vesperis de B. Mariâ de Mercede, fit
comm. diei oct. Dedicat. In Matut.
Lectiones I. Nocturni ut in die Feso.
Lectiones II. Nocturni ut in die octavâ.
Lect. III. Nocturni ut in die II. infrâ
octavam, Et confestim. In II. Vesper.
comm. SS. Cypriani & Justinæ Mart.
in Breviario.*



DIE XXVIII. SEPTEMBRIS.

Sancti Exuperii Episcopi, duplex.

*Omnia de Communi Conf. Pontif.
exceptis quæ hîc notantur propria In
I. Vesp. de S. Exuperio, comm. SS.
Cosmæ & Damiani Mart.*

Oratio.

O Mnipotens sempiterne Deus qui
Beatum Exuperium Confessorem
tuum atque Pontificem, doctrinis ac vir-

tutibus clarere fecisti , concede plebi tuae
ut ejus assiduâ intercessione particeps fiat
cœlestis gratiæ. Per Dominum.

In I. Nocturno.

Lectiones de scripturâ occurrente.

In II. Nocturno.

Lectione IV.

De Epistolâ Sti. Hyeronimi Presbyteri,
ad Rusticum Monachum.

Sanctus Exuperius Tolosæ Episcopus,
Viduæ Sareptensis imitator , esuriens
pascit alienos , & ore pallente jejuniis
fame torquetur alienâ , omnemque substa-
tantiam Christi visceribus erogavit. Nihil
illo ditius qui Corpus Domini canistro
vimineo , Sanguinem portat in vitro ,
qui avaritiam ejecit è templo , qui abs-
que funiculo & increpatione cathedras
vendentium columbas , id est dona Sancti
Spiritûs , mensasque subvertit , mam-
monæ & nummulariorum æra dispersit ,
ut domus Dei domus vocetur orationis ,
non latronum spelunca. Hujus è vicino
sestare vestigia , & cæterorum qui vir-
tutum illius similes sunt , quos facerdo-
tium & humiliores facit & pauperes.

R. Inveni David.

De ejusdem Sti. Hyeronimi Presbyteri
Epistolâ ad Gerontiam Viduam.

Nos ardemus avaritiâ, & contra pecunias disputantes auro sinum expandimus, nihilque nobis satis est. Et illud jure miseris coaptari potest: ædificant quasi semper victuri, vivunt quasi alterâ die morituri. Et hæc facimus quia Domini verbis non credimus, & quia ætas optata cunctis non viciniam mortis, quæ debetur mortalibus lege naturæ, sed cassâ spe, annorum nobis spatia pollicetur: nemo enim tam fractis viribus & sic decrepitæ senectutis est, ut non putet se adhuc unum annum esse victurum, undè subrepit oblivio conditionis suæ, ut terrenum animal & jam jamque solvendum erigatur in superbiam & animo cœlum teneat. Verum quid ago? Fractâ navi de mercibus dispiuto. Præsentium miseriarum pauca percurram. Quod rari huc usque residemus, non nostri meriti, sed Domini misericordiae est. Innumerabiles & ferocissimæ nationes universas Gallias occuparunt. Quidquid inter Alpes & Pyræneum est, quod Oceano & Rheno includitur, Quadus,

Vandalus , Sarmata , & ô lugenda Republica ! hostes Pannonii vastarunt ; etenim Affur venit cum illis.

R. Posui adjutorium.

Lectione VI.

MAgontiacum nobilis quondam Civitas capta atque subversa est , & in Ecclesiâ multa hominum millia trucidata. Vangiones longâ obsidione deleti , Remorum Urbs præpotens , Ambiani , Attrebatæ , extremique hominum Morini , Tornacus , Nemetes , Argentoratus translati in Germaniam. Aquitaniæ novemque populorum , Lugdunensis & Narbonensis Provinciæ , præter paucas Urbes , populata sunt cuncta. Quas & ipsas foris gladius intus vastat famæ. Non possum absque lacrymis Tolosæ facere mentionem , quæ ut huc usque non rueret Sancti Episcopi Exuperii merita præstiterunt.

R. Iste est qui ante Deum.

In III. Nocturno.

Homilia in Evangelium , Homo peregrinè , in Comm. Confess. Pont. Missa Statuit , in Missali , cum oratione Officii suprà. In II. Vesp. de S. Michaeli Archang. ut in Brey. comm. S. Exup.

DIE

DIE XXIX. NOVEMBRIS.

*Sancti Saturnini Episcopi & Martyris,
duplex.*

Omnia ut in Communi unius Martyris, præter ea quæ sequuntur. Pridie in Vesperis de S. Saturnino, fit comm. alterius S. Saturnini Mart. per ant. Qui odit. X. Justus ut palma florebit.

Oratio.

OMnipotens sempiterne Deus, qui hunc diem Beati Saturnini Martyris tui atque Pontificis, passione consecrasti, concede propitius, ut cuius martyrii gloriam celebramus in terris, ejus confortes fieri mereamur in Cœlis. Per Dominum.

In I. Nocturno.

Lectiones de scripturâ occurrente.

*In II. Nocturno.**Lectione IV.*

Saturninus in Gallias Româ missus, primus Tolosæ Episcopus, in eâ Civitate multos ab idolis ad Christum convertit; dæmonibus qui ibi colebantur sub Jovis & Minervæ simulacris, adeò

terribilis ut frustrâ sacrificiis animalium evocati oracula reddere cessaverint. Tam stupendâ rei novitate commoti impiæ superstitionis Antistites, insoliti Deorum silentii causas diligenter explorant. Solemne indicitur tauri sacrificium, quo certum quidpiam cognosceretur. Interim discunt novam quamdam Sectam in Urbe pullulare quæ Christiana vocaretur, avitæ religionis inimicam, Deorum contemptricem, cuius seminator & doctor esset Saturninus.

R. Honestum fecit.

Lectio V.

Paratâ victimâ ad sacrificii solemnitatem, copiosa undique hominum multitudo confluit: & ecce quidam cui notus erat Saturninus ei fortè occurrens exclamat: iste est Deorum nostrorum contemptor, iste est qui cultibus nostris adversatur. Tunc Saturninum insanientium turba circumdat & ad Capitolium Urbis attrahit, ut Diis more Gentilium sacra faceret, quod ille constanter renuit, liberè respondens unum se & verum Deum agnoscere, huic soli se laudes & hostias immolaturum: Deos autem illorum dæmones esse, quos non tam hostiis

pecudum , quām animarū suarū extīo honorabant : nec posse animū inducere ut eos coleret , quibus terrorī se esse intelligeret . His dictis dirissimā morte plectitur , nam tauri furentis pedibus alligatus , per declives gradus Capitolii raptus , colliso capite , excusso cerebro , membrisque disceptis interiit .

R. Desiderium animæ .

Lectio VI.

EX anime corpus tamdiu à tauro distractum est , quò usque rupto fune acceptum & ligneo immissum feretro , mulieres duæ in altâ scrobe condiderunt . Inventum est postea à Sancto Hilario Episcopo Tolosano , qui effossâ circum humo , sacras veritus Reliquias commovere , tumulum super imposuit & oratorium extruxit . Deinde Sanctus Sylvius Hilarii successor , ad transferendum Martyris corpus Basilicam inchoavit . Quæ ab ejus successore Sancto Exuperio perfecta est . Inde in aliam Basilicam Sancti Martyris nomine dedicatam , sacrum corpus postea translatum , ibi etiamnū religiosè aſſervatur .

R. Stola jucunditatis .

Hij

In III. Nocturno.

*Homilia in Evangelium , Si quis
venit , de Comm. unius Mart. Si Offi-
cium Sancti Saturnini fiat extra Ad-
ventum , legitur IX. Lectio de Vigil.
S. Andreæ Apost. quæ omittitur si fiat
in Adventu. Similiter in primo casu fit
comm. ejusdem Vigil. in Laud. & non in
secundo casu.*

*In Laudibus comm. S. Saturnini
Mart. per ant. Iste Sanctus. ¶ Gloriâ
& honore. Si sit in Adventu , fit comm.
Feriæ in utrisque Vesp. & Laud. Missa
Statuit , in Missali , cum oratione Of-
ficii.*

*In II. Vesp. de S. Andrea Apostolo ,
ut in Breviar. comm. S. Saturnini Ep.
& Mart.*




FESTA SANCTORUM

QUI HABENTUR

IN BREVIARIO ROMANO;

*Sed in quorum Officio quædam
fiunt mutationes in Ecclesiâ &
Diœcesi Rivenſi.*



DIE IX. FEBRUARII.

*Sanctæ Appolloniæ Virg. & Mart. semid.
Est in Breviario simplex.*

*Omnia de Comm. Virginum. Oratio,
Deus qui inter cætera, de eodem Comm.
Pridiè in Vesp. de S. Joanne de Matha
Conf. fit comm. S. Appolloniæ.*

In I. Nocturno.

*Lectiones de scripturâ occurrente. Si
H iij*

(90)

venerit in Quadrag. *Lectiones De Virginibus præceptum, in Communi.*

In II. Nocturno.

Lectio IV.

Ex Epistolâ Sancti Dionisii Alexandrini
ad Fabium Antiochenum.

Ap. Eus. Hist. Eccl. l. 6. c. 41.

Nequaquam ex Decii Imperatoris edicto persecutio apud nos cæpta est, quippè quæ integro anno anteverterat. Nam infaustus quidam vates ac poeta commoverat jam anteā atque incitaverat Alexandriæ adversùs nos Gentilium turbas. Ab illo igitur homine stimulati, hanc solam pietatem, cultumque dæmonum suorum existimabant, si cædibus adversùs nostros sœvirent. Tunc admirandam illam proiectæ jam ætatis Virginem Apolloniam comprehenderrunt, & maxillas quidem ejus percussientes cunctos ei dentes excusserunt. Accensò autem extrà Urbem Rogo, minabantur vivam se illam combusturos, nisi unâ cum ipsis impia verba pronuntiaret: at illa veniam deprecari paulisper visa, atque interim dimissa, celeriter in ignem insiliit & conflagravit.

R. Propter veritatem.

Sermo Sancti Augustini Episcopi.

280. al. 103. *de Div.* & 281. al. 104.

Quid gloriōsius his fœminis quas viri mirantur faciliūs quām imitan-
tur? Sed hoc illius potissimum laus est,
in quem credentes, & in cuius nomine
fideli studio concurrentes, secundūm in-
teriorēm hominem, nec masculus, nec
fœmina inveniuntur, ut etiam in his
quæ sunt fœminæ corpore virtus men-
tis sexum carnis abscondat, & in mem-
bris pigeat cogitare, quod in factis non
potuit apparere. Calcatus est ergo draco
pede casto & victore vestigio; & caput
serpentis antiqui quod fuit præcipitium
fœminæ cadenti, gradus factum est af-
cidenti. Quid hoc spectaculo suavius,
quid hoc certamine fortius, quid hâc
victoriâ gloriōsius?

R. Dilexisti justitiam.

Lectio VI.


IBi est corona gloriōsior ubi sexus in-
firmior, quia profectò virilis animus
in fœminas majus aliquid fecit, quando
sub tanto pondere fragilitas fœminea non
defecit. Benè inhæferant uni viro, cui
virgo casta unica exhibetur Ecclesia.

Benè , inquam , inhæserant illi viro , à quo virtutem traxerant , quā resisterent diabolo ; ut fœminæ prosternerent inimicum qui per fœminam prostraverat virum , ille in eis apparuit invictus qui pro eis factus est infirmus. Ille eas ut meteret fortitudine implevit , qui eas ut seminaret semetipsum exinanivit. Ille eas ad hos honores laudesque perduxit qui pro eis opprobria & crimina audivit. Ille fecit fœminas viriliter & fideliter mori , qui pro eis dignatus est de fœminâ misericorditer nasci.

R. Afferentur Regi.

In III. Nocturno.

Homilia in Evangelium : Simile erit Regnum Cœlorum decem Virginibus , *de Communi.* Si venerit in Quadrag. 9^a. *Lectione de Hom.* Feriæ currentis , & ejus comm. in Laud. & utr. Vesp. Missa Loquebar , in Missali .



DIE XVII. JULII.

Sancti Alexii Confessoris non Pont.
semiduplex.

Omnia ut in Comm. Conf. non Pont.

exceptis quæ h̄ic propria notantur.
Oratio, Deus qui nos, in Breviario.

In I. Nocturno.

Lectiones de scripturâ occurrente.

In II. Nocturno.

Lectione IV.

Sermo Beati Petri Damiani.

Hodierna festivitas, dilectissimi, non modo Beati Alexii nos provocat celebrare triumphum, sed etiam parentes ejus ad salutiferæ proponit ædificationis exemplum. Nam cum tot opibus exuberarent, quotidiè non cessabant vi- duis ac pupillis & quibuslibet indigentibus sumptuosas parare mensas, cum ipsi semel in die solo pane & aquâ essent plerumque contenti. Dignum itaque fuit ut de tam sancto conjugalis pudicitiae thalamo tam præclara soboles nasceretur, ut bonæ arboris ramus per acceptæ gratiæ cœlestis incrementa succrescens, dignos genere suo bonorum operum fructus offerret.

R. Honestum fecit.

Lectione V.

Constat quod vir iste mirabilis Ale- xiis inter ipsa nuptialium gaudio- rum festiva solemnia uxorem, salvâ

utriusque virginitate , dimisit , parentes abjecit & Romanæ Urbis habitationem Edeſſæ peregrinatione mutavit. Postpoſuit amori Christi regii generis conju- gem , ejusque ſecutus opinionem con- tempsit ampliſſimas facultates. Per decem & ſeptem annos in Edeſſæ Civitate re- rum omnium inopiam pertulit. Et do- mum patriam felici poſtliminio rediens , ut foli Deo fieret veraciter notus , om- nium feſellit aspectus. Illīc poſt verbera ſervulorum , poſt contumelias iriden- tium , poſt intolerabiles injurias feliciter obiit.

R. Amavit eum Dominus.

Lectione V I.


Mirabilis Deus in Sanctis suis , in hujus invicti militis ſui ſpectaculi tyrocinio tanto mirabilior extitit , quanto per hunc contrā carnis illecebras , contrā fraudis diabolicæ tentamenta novo atque inſolito Martyrii genere dimicavit : Martyribus enim carcer erat poena , iſti pro- pria domus erat materia temptationis. Illos torquebat manus armata carnificum , iſ- tum gravius puniebat conſpecta quotidiè pietas genitorum. Cumque ſe omnis hujus mundi gloria huic gratis offerret ,

imò etiam nolenti se violenter ingere-
ret, omnia repulit. O nimis insignem
cœlestis militiæ bellatorem ! qui cum
terrena quæque dimisit, supernæ iussionis
mandata complevit. Cum verò ad pro-
pria rediit, abrenunciator egregius me-
tam divinæ legis excessit. Immensurabi-
lem hic possidet gloriam, qui non tenuit
in labore mensuram.

R. Iste homo perfecit.

In III. Nocturno.

*Homilia in Evangelium, Ecce nos
reliquimus omnia, de Comm. Apostolo-
rum. Missa Os justi, in Missali ipsâ die
17 Julii. In Vesp. comm. S. Symphorosæ
& septem Filiorum Mart.*



DIE XX. JULII.

*Sanctæ Margaritæ Virg. & Mart.
semiduplex. Est in Breviario simplex.*

*Omnia de Commun. Virg. & Mart.
præter quæ sequuntur. Oratio, Indul-
gentiam nobis, ut in Breviario.*

In I. Nocturno.

Lectiones de scripturâ occurrente.

(96)

In II Nocturno.
Lectio IV.

Margarita quæ & Maria Antiochiæ Pisidiæ nata à teneris annis Christi Religione imbuta , baptifata est. Cum autem coram Præfecto sistere se iussa effet , ab ipso interrogata Religionem Christianam liberè & constanter professâ est : cumque absurdam esse hanc Religionem irridendo prætenderet Præfectus dicendo : Quid stultius quam ut Deum sibi quis faciat Crucifixum ? Respondit Beata Virgo : undè , dic , oro , didicisti Dominum Jesum fuisse crucifixum ? Ex Libris Christianorum , ait Præfectus. Cui Margarita : quænam verecundia est cum in eisdem Libris legatur & pœna Christi & gloria ejus , alterum credatis , & alterum respuatis ?

R⁴. Propter veritatem.

Lectio V.

His vehementer irâ accensus Præfectus varia tormentorum genera in sancto illo corpusculo consumpsit. Primùm enim virginis cæsam , deinde unguis laniatam in carcerem trudi jubet , ubi & spectro dæmonis sub terrificâ formâ appetitur : sed ad signum Crucis vis tota diaboli

(97)

diaboli prosternitur. Producitur iterum
Virgo , & cum in confessione fidei con-
stantior permaneret , ardentibus facibus
latera ejus exuruntur. Denique multis
superatis tormentis , victorem per tot
coronas spiritum Cœlum exceptit.

R. Dilexisti justitiam.

Lectio VI.

Ex Libro Sacramentorum Sti. Gregorii
Papæ. *Præf. pro S. Cecil.*

Desus in infirmitate virtutem perficit , & humani generis inimicum non solum per viros , sed etiam per fœminas vincit ; cuius munere Sancta quam celebramus , & in virginitatis proposito , & in confessione fidei roborata est ; ut nec ætatis lubrico ab intentione mutaretur , nec blandimentis carnalibus demulceretur , nec sexus fragilitate deterreretur , nec tormentorum immanitate vinceretur , sed servando corporis ac mentis integritatem , cum virginitatis & martyrii palmâ æternam mereretur adipisci beatitudinem.

R. Afferentur Regi.

In III. Nocturno.

Homilia in Evang. Simile est Regnum Cœlorum theſauro , de Comm. non

*Virg. Missa, Me expectaverunt, in
Missali. In II. Vesp. comm. S. Praxe-
dis Virg. in Breviario.*

DIE XXI. OCTOBRIS.

*Sanctæ Ursulæ & Sociarum Virg. &
Mart. semiduplex. In Brev. Comm.
tantum.*

*Omnia de Comm. Virg. exceptis iis
quæ sequuntur. Ant. ad Magnif. in utris-
que Vesperis & ad Benedict. in Laudis-
bus, Prudentes Virgines. X. Adducen-
tur, & Oratio Da nobis quæsumus, in
Breviar. Pridiè in Vesp. comm. S. Hi-
larionis Abbatis.*

In I. Nocturno.

Lectiones de scripturâ occurrente.

In II. Nocturno.

Lectione IV.

Ursula è Regio Semine in Britan-
nia Majori nata, cum mare trajice-
ret Armoricanorum Regionem petendi
causâ, ut Connano illorum Duci matri-
monio jungeretur; unâ cum pluribus
aliis ejusdem gentis Virginibus quæ to-
tidem militibus ex Armoricanâ nuptui erant

tradendæ , sævâ oborta procellâ & contrariis impellantibus ventis , ad littus Germanicum versùs oram Rheni fluminis , traditur appulisse , quo tempore Hunni gens ferox totum illud infestabant solum. Naëti igitur Barbari præclarum illud Virginum agmen , libidinis æstu furentes eis vim inferre cogitarunt. Verùm cum hortante Ursulâ , mortem potius oppetere , quam Virginei pudoris injuriam pati , invicto animi vigore , decrevisserent , Hunni in rabiem immanitatis conversi ad unam omnes trucidarunt. Quarum corpora Colonienses summo honore condiderunt , earumque agonem Christianus Orbis florenti memoriâ celebrat.

R. Propter veritatem.

Lectio V.

Ex Libro Sancti Augustini Episcopi , de sancta virginitate. Cap. 27.

Pergite Virgines , pergite perseveranter in finem. Laudate Dominum dulcius , quem cogitatis uberiùs. Sperate felicius cui servitis instantius. Amate ardentiùs cui placetis attentiùs. Lumbis accinctis & lucernis ardentibus exspectate Dominum , quando veniat à nup-

tiis. Vos afferetis ad nuptias agni cantum novum , quod cantabitis citharistis vestris. Non utique quale cantat universa terra , cui dicitur : **Cantate Domino canticum novum** , cantate Domino universa terra ; sed tale quale nemo poterit dicere nisi vos. Sic enim vos vedit in Apocalypsi quidam præ cæteris dilectus agno qui discumbere super pectus ejus solitus erat , & hiberat & erugetabat mirabilia super Dei verbo.

R. Dilexisti iustitiam.

Lectio VI.


Ipsa vos vedit duodecies duodena milia sanctorum citharaëdorum illibatae virginitatis in corpore , inviolatae veritatis in corde. Et quia sequimini agnum quocumque ierit , scripsit ille de vobis. Quò ire putamus hunc agnum , quò nemo eum sequi vel audeat , vel valeat nisi vos ? Quò putamus eum ire ? In quos saltus & prata ? Ubi credo sunt gramina & gaudia : non gaudia sæculi hujus vana , infanizæ mendaces , nec gaudia qualia in ipso regno Dei cæteris non Virginibus erunt , sed à cæterorum omnium gaudiorum forte distincta , gaudium Virginum Christi , de Christo , in Christo ,

etim Christo , post Christum , propter Christum ; gaudia propria Virginum Christi non sunt eadem non Virginum , quamvis Christi , nam sunt aliis alia , sed nullis talia.

R. Afferentur Regi.

In III. Nocturno.

Homilia in Evangel. Simile est Regnum Cœlorum decem Virginibus , *de Comm. Virg. 9^a. Lectio S. Hilarionis* , è duabus fiat una , *comm. ejusd. Sancti in Laudib. Missa Loquebar* , exceptâ Epist. & Orationibus quæ dicuntur ut notatur in Missali pro plur. *Virg. & Mart.*



DIE IV. DECEMBERIS.

Sanctæ Barbaræ Virg. & Mart. semid.
in Breviar. comm. tantum.

Omnia ut in Comm. Virg. præter ea quæ h̄ic sunt propria. Oratio , Deus qui inter cætera. *Pridiè in Vespi. de S. Francisco Xaverio. Fit commem. S. Barbaræ , & Feriæ Adventūs.*

In I. Nocturno.

Lectiones de scripturâ occurrente.

In II. Nocturno.

Lectio IV.

Barbara Virgo Nicomediensis patre Gentili orta , cum eo in scio Religioni Christi per aliquot annos in serviis fuit , tandem datâ occasione , patri suo se esse Christianam aperuit . Quo cognito pater non solum suæ impietatis stimulis , sed etiam maximo Cæsaris timore ad ductus , qui fidem Christi immaniter persequebatur , filiam modis omnibus nittitur ad idololatriam revocare . Cumque id consequi non posset , Provinciæ Præsidi eam tradit , qui sanctam Virginem crudeliter cæsam in carcerem trudi jubet , ubi divinis mirisque modis ad subeunda quæ supererant certamina confirmatur : unde cum iterum Præsidi sisteretur , & constantior in fidei confessione persistet , variis horrendisque suppliciis afficitur , quibus fortiter & invictè superatis , à patre impietatis furore amente , capite truncato , gloriosum martyrii agnem consummavit .

Propter veritatem .

Ex Libro Sancti Joannis Chrysostomi,
de Virginitate. Cap. 27.

NOVI rei contentionem, novi Virginum studium, novi belli gravitatem. Pervicaci quodam & forti animo opus est, atque à libidinum sensu averso: nam per carbones sic ingrediendum est ut non uraris, & ita per mucrones eundum ut non faucieris, ea est enim libidinis vis, quæ ignis atque ferri. Quod nisi animus ita comparatus sit, ut nec ad ejus dolores moveatur, protinus se perdet. Itaque opus est nobis adamantinâ mente, oculo insomni, tolerantia summâ, muris firmis, parietibus, foris ac repagulis, custodibus pervagilibus ac prævalidis, atque imprimis cœlestii favore: nam nisi Dominus urbem custodiat, frustra vigilant qui custodiunt eam. At quo pacto eum favorem eliciemus? Si nostra omnia conferamus, sana consilia, summam jejunii ac vigiliarum contentionem, legis accuratam obfervationem, mandatorum custodiam, & quod caput est, si in nobis fiduciam non collocemus. Nam et si magna quædam præstemus, illud apud nos perpetuò dicamus: nisi Domi-

nus ædificaverit Domum , frustra labo-
rant qui ædificant eam.


R. Dilexisti justitiam.

Lectio VI.

Nec enim nobis lucta est adversus fanguinem & carnem , sed adversus principatus , adversus potestates , aduersus mundi potentes tenebrarum hujus sæculi , adversus nequam spiritus qui sunt in cœlestibus : ac noctes diesque cogitationes nobis armatae stent , oportet , & impudentibus libidinibus formidini sint ; quippè si minimum remittant , astans diabolus ignem manibus tenet , vibratus ac Dei templum concrematurus . Ergò opus est undique muniamur ; est enim nobis pugna cum naturæ necessitate , Angelorum conversationis æmulatio , cum incorporeis virtutibus cursus , terra atque cinis cœlicolis æquari nititur , mortalitas cum immortalitate certamen init . R. Afferentur Regi .

In III. Nocturno.

Homilia in Evang. Simile erit Regnum Cœlorum decem Virginibus , *de Comm. Virg.* *In Laud. comm. Feriæ Adventus.* *Missa* , Loquebar , *in Missali.* *In II. Vesp. comm. Feriæ Ady.* & *S. Sabbæ Abb.*



M I S S A

In Translatione Sancti Cizii Martyris.

DIE XIX. JUNII.

Introitus.

Vivent mortui tui Domine , interfecti resurgent. Expergiscimini & laudate qui habitatis in pulvere : Ecce enim revelabit terra sanguinem suum , & non operiet ultrà imperfectos suos.

Psal. Propter hoc lætatum est cor meum , & exultavit lingua mea. Insuper & caro mea requiescat in spe. Gloria Patri.

Vivent mortui tui.

Oratio.

OMnipotens sempiterne Deus , qui ad immortales triumphos Martyrem tuum Cizium extulisti : da cordibus nostris dignam pro ejus Translatione lætitiam , ut cuius Reliquias pio amore amplectimur , ejus precibus adjuvemur. Per Dominum.

(106)

Epistola.

Le^tio Epistolæ Beati Petri Apostoli.

I. Petr. 1.

Benedictus Deus & Pater Domini nostri Jesu Christi , qui secundum misericordiam suam magnam regeneravit nos in spem vivam , per resurrectionem Jesu Christi ex mortuis , in hæreditatem incorruptibilem , & incontaminatam , & immarcessibilem , conservatam in Cœlis in vobis , qui in virtute Dei custodimini per fidem in salutem paratam revelari in tempore novissimo. In quo exultabitis , modicum nunc si oportet contristari in variis temptationibus : ut probatio vestræ fidei , multo pretiosior auro quod per ignem probatur , inventiatur in laudem & gloriam & honorem in revelatione Jesu Christi.

Graduale. Sanctorum velut aquilæ juventus renovabitur , florebunt sicut lilium in civitate Domini. **X.** Dictum est illis ut requiescerent adhuc tempus modicum , donec compleantur conservi eorum.

Alleluia. Alleluia. **X.** Sit memoria illorum in benedictione. Offa eorum pululent de loco suo , & nomen eorum permaneat in æternum. Alleluia.

Lectio sancti Evangelii secundum
Lucam . Cap. 20. v. 27.

IN illo tempore , accesserunt quidam Sadducæorum qui negant esse resurrectionem , & interrogaverunt eum dicentes : Magister , Moïses scripsit nobis , si frater alicujus mortuus fuerit habens uxorem , & hic sine liberis fuerit , ut accipiat eam frater ejus uxorem , & suscitet semen fratri suo Septem ergo fratres erant : & primus accepit uxorem , & mortuus est sine filiis ; & sequens accepit illam , & ipse mortuus est sine filio ; & tertius accepit illam , similiter & omnes septem , & non reliquerunt semen , & mortui sunt ; novissimè autem mortua est & mulier. In resurrectione ergo cujus eorum erit uxor ? Siquidem septem habuerunt eam uxorem. Et ait illis Iesus : Filii hujus sæculi nubunt & traduntur ad nuptias ; illi verò qui digni habebuntur sæculo illo & resurrectione ex mortuis neque nubent neque ducent uxores ; neque enim ultrà mori poterunt , æquales enim Angelis sunt , & filii sunt Dei , cum sint filii resurrectionis. Quia verò resurgent mortui , & Moïses

ostendit secūs rubum , sicut dicit Dominum Deum Abraham , & Deum Isaac , & Deum Jacob . Deus autem non est mortuorum , sed vivorum , omnes enim vivunt ei .

Offertorium. Multæ tribulationes Iustorum , de omnibus his liberabit eos Dominus . Custodit omnia offa eorum , unum ex his non conteretur .

Secreta. Hæc hostia quæsumus Domine , quam Sancti Martyris tui Cizii translationem recolentes , offerimus & vincula nostræ pravitatis dissolvat , & tuæ nobis misericordiæ dona conciliet . Per .

Communio. Non derelinquet Sanctos suos , in æternum conservabuntur , liberabuntur à servitute corruptionis in libertatem gloriæ filiorum Dei .

Postcommunio. Quos cœlesti Domine , alimento recreasti , intercedente Beato Cizio Martyre tuo , cuius translatione lætamur , ab omni adversitate custodi , & in sancto amore tuo redde stabiles . Per .

Evangelium supra positum dicitur in ipso die translationis , & in die oclavâ S. Cizii tantum . In aliis vero diebus infra oclavam , ejus loco dicitur Evangelium sequens .

Lectio

(109)

Lectio Sancti Evangelii secundum in
Matthæum. . . Cap. 10. v. 34.

In illo tempore , dixit Jesus Discipulis suis : Nolite arbitrari quia pacem ve-
nerim mittere in terram. Non veni pa-
cem mittere , sed gladium. Veni enim
separare hominem adversus patrem
suum , & filiam adversus matrem suam ,
& nurum adversus socrum suam , & ini-
mici hominis domestici ejus. Qui amat
patrem aut matrem plus quam me , non
est me dignus ; & qui non accipit cru-
cem suam & sequitur me , non est me
dignus. Qui invenit animam suam per-
det illam , & qui perdiderit animam suam
propter me , inveniet eam.

M I S S A

In Natali Sancti Ciri Martyrис.

DIE XVI. AUGUSTI.

Introitus.

Bonum certamen certavi , cursum
consummavi , fidem servavi. In re-
liquo reposita est mihi corona iustitiae .

K

quam reddet mihi Dominus in illâ die
justus index.

Psal. In virtute tuâ , Domine , lætabitur justus , & super salutare tuum exultabit vehementer. Gloria Patri. Bonum certamen.

Oratio.

Deus qui populo tuo Beatum Cizium Martyrem tuum Patronum piè dedisti : tribue quæsumus , ut qui ejus natalitia colimus , ipsius meritis & intercessione ab omnibus periculis eruamur. Per Dominum.

Epistola.

Lectio Epistolæ Beati Pauli ad Ephesios.

Cap. 6. v. 10.

Fratres , confortamini in Domino , & in potentia virtutis ejus. Induite vos armaturam Dei , ut possitis stare adversus infidias diaboli : quoniam non est nobis collectatio adversus carnem & sanguinem , sed adversus Principes & Potestates , adversus mundi rectores tenebrarum harum , contrâ spiritualia nequitiae in cœlestibus. Propterea accipite armaturam Dei , ut possitis resistere in die malo , & in omnibus perfecti stare. State ergo succincti lumbos vestros in

veritate & induiti loricam justitiae , & calceati pedes in præparatione Evangelii pacis. In omnibus fumentes scutum fidei , in quo possitis omnia tela nequissimi ignea extinguere. Et galeam salutis assumite , & gladium spiritus quod est verbum Dei.

Graduale. Certamen forte dedit illi ut vinceret & sciret quoniam omnium potentior est sapientia. *V.* Honestavit illum in laboribus , & complevit labores illius.

Alleluya. Alleluya. *V.* Dedit se ut liberaret populum suum , & acquireret sibi nomen æternum. Alleluya.

Evangelium.

Lectio sancti Evangelii secundum

Lucam. . . . Cap. 21. v. 9.

IN illo tempore , dixit Jesus Discipulis suis : Cum audieritis prælia & seditiones , nolite terreri ; oportet primùm hæc fieri , sed nondum statim finis. Tunc dicebat illis : surget gens contrà gentem , & regnum adversùs regnum , & terræ motus magni erunt per loca & pestilentiae , & fames terroresque de cœlo , & signa magna erunt. Sed antè hæc omnia injicient vobis manus suas , & persequentur trādentes in Synagogas & cui-

todias, trahentes ad Reges & Præfides propter nomen meum ; continget autem vobis in testimonium. Ponite ergo in cordibus vestris non præmeditari quemadmodum respondeatis. Ego enim dabo vobis os & sapientiam , cui non poterunt resistere & contradicere omnes adversarii vestri. Trademini autem à parentibus & fratribus , & cognatis & amicis , & morte afficiant ex vobis ; & eritis odio omnibus propter nomen meum , & capillus de capite vestro non peribit , in patientiâ vestrâ possidebitis animas vestras.

Offertorium. In omni opere dedit confessionem sancto & excelsō in verbo gloriæ. De omni corde suo laudavit Dominum , & dilexit Deum qui fecit illum.

Secreta. Sacrosancta Domine , quæ in Martyris tui Cizii gloriosâ passione offerimus mysteria , sint nobis te miserante salutaria , & ipsius intercessione concede nos eorum interius virtute corroborari. Per Dominum .

Communio. Confessio & pulchritudo in conspectu ejus , sanctimonia & magnificencia in sanctificatione ejus.

Postcommunio. Exultantes , Domine ,

lætitia spirituali in Beati Martyris Cizii triumpho, te supplices exoramus ut Sacra-
menta quæ in ejus solemnitate perce-
pimus nobis ad fidei, spei & charitatis
augmentum proficiant. Per Dominum.

*****:*****:*****:*****:*****:
IN SUFFRAGIIS SANCTORUM.

*Pro Commemoratione S. Cizii Martyris,
in Ecclesiâ & Civitate Rivense.*

AD LAUDES.

Ant. Propter opus Christi usque ad mortem accessit, tradens animam suam, & mundus obiit per omnia in Domino confidens.

X. Dominus illuminatio mea & salus mea.

R. Quem timebo.

Oratio.

Deus qui populo tuo Beatum Ci-
zium Martyrem tuum, Patronum
piè dedisti : tribue quæsumus, ut qui
ejus memoriam agimus, ipsius meritis &
intercessione ab omnibus periculis erua-
mur. Per Dominum.

AD VESPERAS.

Ant. Gloriosissimam mortem , magis quam odibilem vitam complectens voluntariè ibat ad supplicium , & patienter sustinens destinavit non admittere illicita propter vitæ amorem.

XV. Desiderium animæ ejus tribuisti ei Domine.

R. Et voluntate labiorum ejus non fraudasti eum.

Oratio ut supra.

F I N I S.

